

五
代
史
記
注

五代史記卷第三

廬陵歐陽脩撰

徐無黨原注

南昌彭元瑞注

劉鳳誥排次

梁本紀第三

末帝太祖第三子友貞也

原注未非謚號從其本語爲人美容貌沈

厚寡言雅好儒士

宣和書畫譜琪無它伎喜弄翰墨多作行字批勅大者或近盈尺筆勢結

密有王氏羲獻帖法流到今覽之便知非侍書者所能及也

太祖卽位封均王爲左

天興軍使東京馬步軍都指揮使

五代史末帝諱琪初名友貞及卽位改名

錚貞明中又改今諱太祖第四子也母曰元貞皇后張氏以唐文德元年戊申歲九月十二日生于東京帝美容儀性沉厚寡言雅好儒士唐光化三年授河南府參軍太祖受禪封均王時太祖初置天興軍最爲親衛以

帝爲左天興軍使開平四年夏進位檢校司空依前天
興軍使充東京馬步軍都指揮使五代會要末帝諱
璵太祖第四子母曰元貞皇后張氏唐文德元年九月
十二日生于汴州以其日爲明聖節梁開平元年封均
王

乾化二年六月太祖遇弑友珪自立殺博王友文以弑
帝之罪歸之以王爲東京留守開封尹

五代史乾化二年六月二日庶

人友珪弑逆矯太祖詔遣供奉官丁昭溥馳至東京密
令帝害博王友文友珪卽位以帝爲東京留守行開封
府尹檢校司徒敬翔爲中書侍郎同中書門下平章事戶部尚

書李振爲崇政院使

五代會要乾化二年八月以門下侍郎平章事干疏兼延資庫使

又乾化二年十月加宰相俸至二百千命豐德庫逐月以見錢給之明年友珪改元曰鳳
厯二月駙馬都尉趙巖至東都王私與之謀遣馬使交

之魏州見楊師厚計事師厚遣小校王舜賢至洛陽告
左龍虎統軍袁象先使討賊是時懷州龍驤屯兵叛方
捕索之王乃僞爲友珪詔書發左右龍驤在東都者皆
還洛陽因激怒之曰天子以懷州屯兵叛追汝等欲盡
坑之
通鑑考異梁太祖實錄丙戌東京言龍驤軍準詔
追赴西京軍情不肯進發寔友珪微之非友貞僞
作但激怒
言坑之耳諸將皆泣莫知所爲王曰先皇帝經營王業
三十餘年今日尙爲友珪所殺汝等安所逃死乎因出
太祖畫像示諸將而泣曰汝能趨洛陽擒逆賊則轉禍
爲福矣軍士皆呼萬歲請王爲主王乃遣人趣象先等
庚寅象先等以禁兵討賊友珪死杜曉見殺象先遣趙

巖持傳國寶至東都請王入洛陽王報曰夷門太祖所

以興王業也北距并汾東至淮海國家藩鎮多在東方

命將出師利于便近是月皇帝卽位于東都

原注卽位逆居位羣情不附

日而書是月見亂之甚于東都終上文也復稱乾化三年

五代史友珪以篡帝以誠款謀逆居位羣情不附

會趙巖至東京從帝私讞

因言及社稷事帝以誠款謀之巖曰此事亦如反掌成敗在招討楊令公之手但得

一言諭禁軍其事立辦巖時典禁軍泊還洛以謀告侍衛親軍袁象先帝令腹心馬慎交之魏州見師厚且言

成事之日賜勞軍錢五十萬緡仍許兼鎮慎交燕人也

素有膽辨乃說師厚曰郢王殺君害父篡居大位宮中

荒淫靡所不至洛下人情已去東京物望所歸公若因

而成之則有輔立之功討賊之効師厚猶豫未決謂從

事曰吾于郢王君臣之分已定無故改圖人謂我何慎

交曰郢王以子弑父是曰元兇均王爲君爲親正名仗義彼若一朝事成令公何情自處師厚驚曰幾誤計耳

乃令小校王舜賢至洛密與趙巖袁象先圖議時有左

右龍驤都在東京帝僞作友珪詔遣還洛下先是劉重
遇部下龍驤一指揮于懷州叛經年搜捕其黨帝因遣
入獄怒其衆曰郢王以龍驤軍嘗叛追汝等洛下將盡
坑之翼日乃以僞詔示之諸軍憂恐將校垂泣告帝乞
爾等皆會從之今日先帝三十餘年經營社稷千征萬戰
因出梁祖御像以示諸將帝歎歎而泣曰郢王誠害君
父違天逆地復欲屠滅親軍爾等苟能自趨洛陽擒取
逆豎告謝先帝卽轉禍爲福矣衆踊躍曰王言是也皆
呼萬歲請帝爲主時友珪改元之二月十五日也帝乃
遣人突入宮城遂誅友珪事定象先遣趙巖齊傳國寶
至東京請帝卽位于洛陽帝報之曰夷門太祖創業之
地居天下之衝北距并汾東至淮海國家藩鎮多在厥
東命將出師利于便近若都洛下非良圖也公等如堅
推戴冊禮宜在東京賊平之日卽謁洛陽陵廟是月帝
卽位于東京乃去友珪僞號稱乾化三年五代會要
乾化三年二月于洛京帝卽位於汴州改名瑱年二十六
其後又改名鏗五代春秋癸酉乾化三年二月帝卽

位子東都誅友珪西都軍大掠殺杜曉五月楊師厚帥師侵趙十二月晉王克幽州以燕王守光歸晉陽誅之

五代史纂誤帝與趙巖謀討友珪自始謀以至卽位皆與此紀同頗爲重複師厚巖傳比象先傳稍減然亦有繁詞此宜刊定從一或見于此紀或象先傳餘人復則取當記之要事約畧載之可也如是則省文多矣復

博王友文官爵

五代史詔曰我國家賞功罰罪必叶朝

博王友文官爵章報德伸冤敢欺天道苟顯違于法制雖暫滯于歲時終振大綱須歸至理重念太祖皇帝嘗開霸府有事四方迨建皇朝載遷都邑每以主留重務居守難才慎擇親賢方膺寄任故博王友文才兼文武議達古今俾分憂于在浚之郊亦共理于興王之地一心無易二紀于茲嘗施惠于士民寔有勞于家國去歲于神器此際值先皇寢疾大漸日臻博王乃密上封章請嚴宮禁因以萊州刺史授于郢王友珪纔覩宣頭俄行大逆豈有自縱兵于內殿却翻事于東都又矯詔書在加刑戮仍奪博王封爵又改姓名冤耻兩深欺誑何

及伏賴上天垂祐宗社降靈俾中外以叶謀致遐邇之
共怒尋平內難獲勦元凶既雪恥于同天且免譏于其
國朕方期遁世敢竊臨人遽迫推崇爰膺繼嗣冤憤旣
伸于幽顯需澤宜及于下泉博王宜復官爵仍令有司

擇日歸

三月丁未更名鋗

膺天聰近雪家讐

旋聞將相

葬云

之謀請紹祖宗之業羣情見迫三讓莫從祇受推崇懼
不負荷方欲烝嘗寢廟禋類郊丘合徵文體之辭用表
事神之敬其或于文尚淺在理未周亦冀隨時別圖制
義雖臣子行孝重更名于己孤而君父稱尊貴難知而
易避今則虔遵古典詳考前聞允諧龜筮之占庶合帝
王之道載惟涼德尤愧嘉名中外羣寮當體朕意宜改
名錦庚戌以天雄軍節度使充潞州行營都招討使開
府儀同三司檢校太尉兼侍中宏農郡王楊師厚爲檢
校大師兼中書令進封鄴王壬戌以夏州節度使檢校
太尉同平章事李仁福爲檢校太師進封隴西郡王戊
辰以邢州保義軍後檢校太保戴思遠爲檢校太傅
都指揮使行睦州刺史馬綽爲檢校太傅同平章事領
秦州雄武軍節度使進封開國侯是月文武

詣以九月十二日帝降誕

日

夏

五代史夏四月癸未以爲明聖節休假三日從之

夏

西京內外諸軍馬步軍

都指揮使檢校司徒左龍虎統軍濮陽郡開國侯袁象

先

爲特進檢校太保同平章事充鎮南軍節度江南西道觀察處置等使開封尹判在京馬步諸軍事進封開

國公增食邑一千戶丁酉宣義軍節度副大使知節度

事

鄭滑濮等州觀察使檢校太傅長沙

五月楊師厚取

郡開國公羅周翰加特進駙馬都尉

滄州

五代史五月乙巳天雄軍節度使楊師厚及劉

營于鎮之南門外壬子晉將史建瑭自趙州領騎五百

入于鎮州

師厚知其有備自九門移軍于下博劉守奇

以一軍自貝州掠冀州衡水阜城陷下博師厚自弓高

渡御河迫滄州張萬進懼送欵師厚表請以萬進爲青

州節度使以劉守奇爲滄州節度使詔曰太祖皇帝六

月二日大忌朕聞姬周已還並用通喪之禮炎漢之後

方行易月之儀歷代相沿萬幾斯重遂爲故實難遽改

更朕頃遘家寃近平內難倏臨祥制俯迫忌辰音容永

遠而莫追號感彌深而難抑將欲表宅憂于中禁是宜輶

常儀顧申罔極宜輶五月二十二

日至六月二十九日朝參軍機急切公事卽不得留滯
並仰畫時聞奏施行宰臣文武百官三上表以國忌廢
務多日請依舊制詔報曰朕聞禮非天降固可酌于人
情事繁孝思諒無妨于國體今以甫臨忌日暫輟視朝
冀全哀感之情用表始終之節宰臣等累陳章表備述
古今慮以萬幾之繁議以五日之請雖茲懇切難盡允
俞况保身方荷于洪基敢言過毀而權制獲申于至性
必在得中宜自今月二十九日輒至六月七日無煩仰
請深體朕懷六月戊子以渝州順化軍節度使并潞鎮
定副招討使檢校太傅同平章事張萬進爲青州節度
使秋九月甲辰御史大夫姚洎爲中書侍郎同中書門
下平章事五代史秋九月甲辰以光祿大夫守御史大
夫吳興郡開國侯姚洎爲中書侍郎平章事
冬十二月晉人取幽州五代史十二月庚午以前鄆州
王友璋爲許州節度使檢校太保是月晉王收
幽州執僞燕主劉守光及其父仁恭歸晉陽
四年五代史乾化四年春正月壬寅以青州節度使張
萬進爲兗州節度使檢校太傅二月甲戌以感化

軍節度使華商等州觀察使檢校大傅同平章事太原郡開國公康懷英爲大安尹充永平軍節度使大安金棣等州觀察處置使夏四月丁丑貶于兢爲萊州司馬五月丁丑

以守司空平章事于兢爲工部侍郎尋貶萊州司馬以其挾私與軍校遷改故也是日以行營左先鋒馬軍使濮州刺史王彥章爲澶州刺史充行營先鋒步軍都指揮使加光祿大夫檢校太保封開國伯以永平軍節度使檢校太傅同平章事劉鄩爲開封尹遙領鎮南軍節度使五月癸丑朔方軍留後檢校司徒韓洙起復授朔方軍節度使檢校太保秋七月晉王率師自黃澤嶺東下寇邢洺魏博節度使楊師厚軍于漳水之東晉將曹進金來奔武寧軍節度使蔣殷反天平軍節度使牛存晉軍遂退

節討之

五代史九月徐州節度使王殷反時朝廷以福王友璋鎮徐方殷不受代乃下詔削奪殷在身

官爵仍令却還本姓蔣便委友璋及天平軍節度使牛存節開封尹劉鄩等進軍攻討是時蔣殷求救于淮南楊溥遣大將朱瑾率衆來援存節等逆擊敗之五代春秋甲戌四年七月晉人來侵邢州九月徐州蔣殷叛

附于吳牛存節帥師討徐州吳人救徐州存節敗吳師于城下

貞明元年春正月存節克徐州

原注曉蒋殷自燔死故不書

伏誅五代史貞

明元年春牛存節劉鄩拔徐州逆賊蔣殷舉族自燔而死于火中得其屍梟首以獻詔福王友璋赴鎮閏二月

甲午延州節度使太原西面招討應接使檢校太師兼中書令渤海郡王高萬興進封渤海王

三月丁

卯趙光逢罷平盧軍節度使賀德倫爲天雄軍節度使

原注命官不書非常而有故則書此書爲天雄軍亂張本

分其相瀘衛州爲昭德軍

宣徽使張筠爲節度使己丑天雄軍亂賀德倫叛附于

晉

原注軍亂有首惡不書而書德倫叛責貴者深也德

倫不可加以首惡而可責其不死以叛張彥寔首惡

而畧不書彥微者德倫可誅而不誅故以德倫獨任其責邠州李保衡叛于岐來附五代史三月辛酉朔以天平軍節度副大使知節度事兼淮南西北面行營招討應接等使檢校太傅同平章

事牛存節爲檢校太尉加食邑一千戶賞平徐之功也
丁卯以右僕射兼門下侍郎同平章事監脩國史判度
支趙光逢爲太子太保致仕魏博節度使楊厚薨報
視朝三日初師厚握强兵據重鎮每邀朝廷姑息及薨
或者以爲天意租庸使趙巖租庸判官邵贊獻議于帝
曰魏博六州精兵數萬蠹害唐室百有餘年羅紹威前
恭以後倨太祖每深含怒太祖月未屬繼師厚卽肆陰謀
蓋以地廣兵強得肆其志不如分削使如身使臂卽無
不從也陞下不以此時制之寧知後人之不爲楊師厚
耶若分割相魏爲兩鎮則朝廷無北顧之患矣帝曰善
卽以平盧軍節度使賀德倫爲天雄軍節度使遣劉鄆
率兵六萬屯河朔詔曰分疆裂土雖賞勳勞建節屯師
亦從機便比者魏博一鎮巡屬六州爲河朔之大藩資
國家之巨鎮所分憂寄允謂重難將叶事機須期通濟
但緣鎮定賊境最爲魏博親鄰其次相衛兩州皆控澤
潞山口兩道並連于晉土分頭常寇于魏封旣須日有
戰爭未若俱分節制免勞兵力因奔命于兩途稍泰人
心俾安居子終日其相州宜建節度爲昭德軍以澶衛
兩州爲屬郡以張筠爲相州節度使已丑魏博軍亂囚
賀德倫是時朝延旣分魏博六州爲兩鎮命劉

先鋒步軍都指揮使王彥章領龍驤五百騎先入于魏州屯于金波亭詔以魏州軍兵之半隸于相州并徙其姻族解決哭聲盈巷其徒乃相聚而謀曰朝廷以我軍府強盛故設法殘破況我六州歷代藩府軍門父子姻族相連未嘗遠出河門離親去族一旦遷于外郡生不如死三月二十九日夜魏軍乃作亂放火大掠首攻龍驤軍王彥章斬關而遁遲明殺德倫親軍五百餘人于城執德倫置之樓上有効節軍校張彥者最爲粗暴膽氣伏人乃率無賴輩數百止其剽掠是日魏之士庶被屠戮者不可勝紀帝聞之遣使齋詔安撫仍許張彥除郡厚賜將士優賞彥等不遜投詔于地侮罵詔使因迫德倫飛奏請却復相衛抽退劉鄆軍帝復遣諭曰制置已定不可改易如是者三彥等奮臂南向而罵曰傭保兒敢如是也復迫德倫列其事時有文吏司空頴者甚有筆才彥召見謂曰爲我更草一狀詞宜抵突厥更敢違則渡河據之乃奏曰臣累拜封章上聞天聽在車衆無非其切何朝廷皆以爲閒半月三軍切切而戈矛未息一城生皇皇而控告無門惟希俯鑒丹衷苟從

衆欲須垂聖允斷在不疑如或四向取謀但慮六州俱失言非意外事在目前張彥又以楊師厚先兼招討使請朝廷依例授之故復逼德倫奏曰臣當道兵甲素精貔貅極銳下視并汾之敵平吞鎮定之人特乞委臣招討之權試臣湯火之節苟無顯效任賜明誅詔報日魏博寇敵接連封疆懸遠凡于應赴須在師徒是以別建節旄各令捍禦并鎮則委魏博控制澤潞則遣相衛枝梧咸逐便安貴均勞逸已定不移之制宜從畫一之規至于征伐事權亦無定例且臨清王領鎮之日羅紹威守藩以來所領事銜本無招討祇自楊師厚先除陝滑二帥皆以招討兼權因茲帶過鄆中原本不曾落下苟循事體寧愷施行況今劉鄆指鎮定出征康懷英往邠岐進討祇令統帥師旅亦無招討使銜切宜徧諭羣情勿興浮議倚注之意卿宜體之詔至張彥壞裂抵之于地謂德倫曰梁王不達時機聽人穿鼻城中擾攘未有所依我甲兵雖多須資勢援河東晉王統兵千萬匡復唐朝世與大梁仇讐若與我同力事無不濟請相公圖以求多福德倫不得已而從之乃遣牙將曹廷隱奉書求援于太原彥使德倫告諭軍城曰可依河東稱天祐十三年此後如有人將文字于河南往來便仰所在

處置是月邠州留後李保衡以城歸順保衡楊崇本養
子也崇本乃李茂貞養子任邠州二十餘年去歲爲其
子彥曾所毒彥曾領知州事五十餘日保衡殺彥曾送
斂于帝卽以保衡爲華州節度使以河陽留後霍彥威
爲邠州節度使通鑑攷異莊宗列傳宰相敬翔租庸
使趙巖判官邵贊等爲友貞畫策分魏博六州爲兩鎮
又莊宗列傳二十七日劉鄩屯南樂遣龍驤都將
王彥章以五百騎入魏州是夜三鼓魏軍亂夏代史
五月晉王率師赴魏州節度使牛存節薨是月鳳翔
李茂貞遣僞署涇州節度使劉知俊率師攻邠州以李
保衡歸順故也自是凡攻圍十四月節度使霍彥威六
諸軍都指揮使黃貴堅守捍冠會救軍至岐人乃退

月庚寅朔晉王李存勗入于魏州遂取德州五代史六
王入魏州以賀德倫爲大同軍節度使舉族遷于晉陽
是月晉人陷德州秋七月又陷澶州刺史王彥章棄城
來奔是月劉鄩自洹水潛師由黃澤路西趨晉陽至樂
平縣值霖雨積旬乃班師還次宗城遂至貝州軍于堂
邑遇晉軍轉鬪數十里晉軍稍退翼日鄩移軍于莘八
月賀瓌收復澶州九月以行營先鋒步軍都指揮使行

襄州刺史檢校太保王彥章爲汝州防禦使依前行營
先鋒步軍都指揮使壬午正衙命使冊德妃張氏是夕

薨妃冬十月辛亥康王友孜反伏誅原注反者不日誅反者有日故書五代

史冬十月辛亥康王友孜謀反伏誅是夕帝于寢殿熟寐忽聞御榻上寶劍有聲帝遽起視之而友孜之黨已

入于宮中帝揮之獲免壬午葬德妃張氏十一月乙丑改元耀州溫昭圖叛

于岐來附是歲更名瑱

原注舊史失其月日五代史十一月乙丑改乾化五年爲貞

明元年十二月乙未詔升華原縣爲崇州靜勝軍以美原縣爲裕州以爲屬郡以僞命義勝軍節度使鼎耀等州觀察使特進檢校太保同平章事李彥韜爲特進檢校太傅同平章事充靜勝軍節度使崇裕等州觀察使河內郡開國侯仍復本姓溫名昭圖昭圖華原貳帥也李茂貞以爲養子以華原爲耀州美原爲鼎州僞命昭圖爲節度使至時歸款故有是命五代春秋乙亥貞明元年正月牛存節克徐州誅蔣殷三月魏博賀德倫叛于晉邠州李保衡以地來歸六月晉王入魏以賀德倫歸晉師遂取德州七月劉鄩帥師侵晉十月誅友孜

改元十一月

二年春

五代史貞明二年春正月庚申以皇伯父朱州節度使開府儀同三司檢校太師兼中書令廣

王全昱爲守中書令餘如故以浙江東道營田副使檢

校太傅前常州刺史杜建徽遜領涇州節度使

通鑑

二年春正月宣武節度使守

二月丙申楊涉罷

五代史

中書令廣德靖王全昱卒

二月丙

罷相守左僕射

涉累上章以疾辭位故有是命是月命

許州節度使王檀

河陽節度使謝彥章鄭州防禦使王

彥章率師自陰地

關抵晉陽急攻其壘不克而還

五

代史纂誤今按楊涉之相及罷以本紀及傳攷之頗有

異同列之如左太祖紀開平元年歲次丁卯四月皇帝

卽位五月以唐相楊涉爲門下侍郎同中書門下平章

事案今史太祖本紀開平元年五月止以涉爲門下侍

郎未嘗同中書門下平章事二年歲次戊辰四月楊涉

罷十一月左僕射楊涉同中書門下平章事三年歲次

己巳九月楊涉罷末帝紀貞明二年歲次丙子二月丙

申楊涉罷涉本傳云唐亡事梁爲門下侍郎同中書門

平章事在位三年俛首無所施爲罷爲左僕射知貢舉後數年卒以上涉之再入再罷紀傳旣已不同至于貞明二年二月丙申但書涉罷而不見其入之年月此尤爲可疑無乃史遺其入歟或誤書其罷歟注者亦不述其因莫知其說也

三月鎮南軍節度使劉鄩及晉人戰于故元

城敗績奔于滑州晉人取衛州惠州捉生都將李霸反

伏誅

五代史三月劉鄩率師與晉王大戰于故元城鄩軍敗績先是鄩駐于莘帝以河朔危急師老于外

餉餽不充遣使賜鄩詔徵有責讓鄩奏以寇勢方盛未可輕動帝又問鄩決勝之策鄩奏曰但人給糧十斛盡

則破敵帝不悅復遣促戰鄩召諸將會議諸將欲戰鄩默然一日引軍攻鎮定之營彼衆大駭上下騰亂俘斬

甚衆時帝遣偏將楊延直領軍萬餘人屯澶州以應鄩既而晉王詐言歸太原劉鄩以爲信是月召楊延直會

于魏城下鄩自率軍亦至與延直會既而晉王自貝州至鄩引軍漸退至故元城西與晉人決戰大爲其所敗追襲至河上軍士赴水死者甚衆鄩自黎陽濟河奔滑州已制以鄩爲滑州宣義軍節度副大使知節度

事晉人攻衛州陷之又陷惠州夏五代史夏四月乙酉朔威武軍節度使守太傅兼中書令閩王王審知賜號忠勤保安興國功臣餘如故晉人陷洛州癸卯夜捉生都將李霸作亂龍驤都將杜晏球討平之時遣捉生軍千人戍楊劉軍出宋門外是夜由水門復入二鼓大謀火發燭城李霸與其徒燔建國門不克龍驤都將杜晏球屯鞠場聞亂兵至率騎擊之亂軍退走馬登建國門晏球奏曰亂者惟李霸一軍但守宮城遲明臣必破之未明晏球誅霸及其同惡京師方定是月以行營先鋒步軍都指揮使汝州防禦使王彥章爲鄭州防禦使依前先鋒步軍都指揮使五月晉軍還太原六月捉生都將張溫叛降于晉使五代史六月晉人急攻邢州帝遣捉生都將張溫率步騎五百人入于邢州至內黃溫率衆降于晉人又張溫字德潤魏州魏縣人也始仕梁祖爲步直小將改崇明都校貞明初蔣殷以徐州叛從劉鄩討平之改左右捉生都指揮使莊宗伐邢臺獲之用爲永清都校歷武州刺史山後八軍都將從莊宗襲契丹于幽州收新州厯銀槍効義都指揮使再任武州刺史同光初契丹陷媯儒檀順平薊六州武州獨全改授蔚州刺史天成初

歷振武昭武留後尋授利州節度使入爲右衛上將軍無幾授洋州節度使右龍武統軍改雲州節度清泰初

屯兵鴈門逐契丹出塞移鎮

秋七月晉人取相州張筠

晉州嬰疾而卒詔贈太尉

奔于京師安國軍節度使閻寶叛附于晉

五代史秋七月甲寅朔晉

王自太原至魏州節度使張筠築城奔京師邢州節度使閻寶以城降于晉王壬戌以淮南鎮海鎮東等軍節度使充淮南宣潤等道四面行營都統開府儀同三司尚父守尚書令吳越王錢鏐爲諸道兵馬元帥餘如故以左僕射楊涉爲太子太傅致仕通鑑考異劉恕廣本云筠奔東都授左衛上將軍

八月丁酉

太子太保致仕趙光逢爲司空兼門下侍郎同中書門

下平章事

五代史八月丁酉以開府儀同三司太子太保致仕趙光逢爲司空兼門下侍郎平章事

宏文館大學士延資庫使充諸道鹽鐵轉運使九月晉人取滄州橫海軍節度使

使戴思遠奔于京師晉人克貝州守將張源德死之

原注

書死得其死也五代史九月晉王還太原瀘州節度使戴思遠棄城來奔晉人陷貝州己卯天平軍節度副大使知節度事檢校太師兼中書令瑣琊郡王王檀薨又戴思遠本梁之故將也初事梁祖以武幹知名開平元年自右羽林統軍加檢校司徒出爲晉州刺史二年授右監門上將軍尋改華州防禦使三年自左天武使復授右羽林統軍郢王友珪篡位授洛州團練使貞明中爲邢州留後遷本州節度使屬燕將張萬進殺滄州留後劉繼威以城歸梁末帝命思遠鎮之莊宗平定魏博以兵臨滄德思遠棄鎮波河歸汴累遷天平軍節度使兼北面招討使將兵與莊宗對壘久之莊宗討張文禮于鎮州契丹來援莊宗追襲契丹至幽州思遠聞之總兵以襲魏州至魏店遇明宗騎軍適至思遠乃西涉洹水陷成安復歸楊村砦盡率其衆攻德勝北城城中危急符存審晝夜乘城以拒之莊宗自薊五日馳至魏州思遠聞之解去及明宗襲下鄆州思遠罷軍權降授宣化軍留後其年莊宗入汴思遠自鄆州入朝復令歸鎮明宗卽位移授洋州節度使及西川俱叛思遠以董璋故人避嫌請代徵入朝宿衛以年告老授太子少保致仕清泰二年八月卒于家五代春秋丙子二年

二月王檀帥師侵晉攻晉陽不克劉鄩及晉王戰于元城鄂師敗績三月晉人取衛州洺州六月晉人圍邢州七月相州張筠逃歸相州入于晉邢州閻寶叛以地入于晉滄州戴思遠逃歸滄州入于晉晉人又敗貝州盜殺鄆州冬十月丁酉中書侍郎鄭珏同中書門下平章事五代史十月丁酉以開府儀同三司中書侍郎兼吏部尚書同平章事集賢殿大學士判戶部敬翔爲右僕射兼門下侍郎平章事監脩國史判度支以光祿大夫中書侍郎同平章事鄭珏爲特進兼刑部尚書平章事集賢殿大學士判戶部十一月晉王自太原至魏州是月前昭義軍節度使檢校太師兼侍中陳留郡王葛從周薨是歲河北諸州悉入于晉

三年五代史貞明三年春正月戊午以前淄州刺史高允奇爲右羽林統軍癸亥以前天平軍馬步軍都指揮使檢校太保朱勍爲懷州刺史癸酉以右天武軍使石釗爲密州刺史戊寅以前懷州刺史李建爲安州刺史仍賜名知節己卯以宣義軍節度副大使知節度事北面行營副招討等使特進檢校太傅霍彥威爲天

平軍節度副大使知節度事二月甲申晉王攻我黎陽
劉鄩拒之而退乙酉前蔡州刺史董璋權知宣義軍軍
州事丁亥以前右羽林軍統軍梁繼業爲左衛上將軍
王辰以租庸判官檢校司徒張紹珪爲光祿卿依前充
租庸判官癸巳以權知平盧軍軍州事客省使知銀臺
事元湘爲檢校司空甲午以飛龍使婁繼英爲左武衛
大將軍三月庚申以前平戎軍使檢校司徒郭紹賓爲
薦州刺史辛酉以前天平軍節度副使裴彥爲隨州刺
史戊寅湖州刺史錢傳璫蘇州刺史錢傳璫鎮海軍節
度副使錢傳璫溫州刺史錢傳璫睦州刺史錢傳璫寶
州刺史錢傳璫明州刺史錢傳璫義州刺史錢傳璫峯
州刺史錢傳璫巒州刺史錢傳璫鎮海軍都知兵馬使
錢傳璫等凡十一人並加官勳階爵從吳越王錢鏐之請也
大將軍劉璫使于契丹五代史夏四月庚辰以前行左
大將軍劉璫使于契丹武衛大將軍蔡敬思爲右武衛
上將軍辛巳以前安州刺史劉玘權知晉州軍州事以
前密州刺史張實爲潁州刺史充本州團練使癸未以
六軍押衙充左天武軍使劉彥珪爲澶州刺史辛卯以
右千牛衛大將軍劉璫充契丹宣諭使詔諸道兵馬元

帥開幕除吏一同天策上將府故事辛丑以清海軍元從都押衙隴州刺史吳鍔爲檢校司空癸卯以兩浙衙內先鋒指揮使守峯州刺史錢傳珦爲泗州刺史六月爲汝州刺史充本州防禦使辛卯以租庸判官光祿大夫檢校司徒行光祿卿張紹珪爲申州刺史壬辰以權知晉州建寧軍軍州事前安州刺史劉玘爲建寧軍節度觀察留後秋七月丁巳以淄州刺史陳洪爲棣州刺史乙丑以刑部員外郎封翹爲翰林學士丙寅以汝州刺史楊延直爲左衛大將軍以前左衛上將軍劉重霸爲起復雲麾將軍右驍衛上將軍庚午以六軍諸衛副使起復雲麾將軍檢校太保張業爲淄州刺史八月辛巳以左神武軍統軍周武爲寧州刺史以左崇安指揮使前申州刺史劉仁鐸爲衍州刺史戊子泰寧軍節度使張萬進賜名守進九月庚申以遙領常州刺史張昌孫遙領壽州刺史充本州團練使冬五代史壬午以權西面行營都監左武衛上將軍張筠權知商州軍州事戊子詔曰太子太傅李戡多因釋教誑惑羣情此後不得出入無恒癸巳以前崇德軍使張思綰爲左武衛上將軍己亥以啓聖匡運同德功臣諸道兵馬

元帥淮南鎮海鎮東等軍節度使充淮南宣潤等四面行營都統開府儀同三司尚書令吳越王錢鏐爲天下兵馬元帥壬寅以尚書左丞吳藹爲工部尚書充兩浙官告使是月晉王自魏州還太原閏十月丁卯以前商州刺史徐璫爲左驍衛上將軍充西都大內皇牆使十一月壬午以中書侍郎平章事鄭珏權判戶部事戊子以寧州刺史周武爲武靜軍防禦使守慶州刺史以河潼軍使竇廷琬爲寧州刺史十二月宣義軍節度使賀瓌爲北面行營招討使已巳如西都小郊晉人取楊劉五代史十二月晉王自太原復至魏州庚申以左金吾衛大將軍充街使華溫琪爲右龍虎軍統軍以右龍虎軍統軍張彥勲爲商州刺史以前西京大內皇牆使李頃爲右威衛上將軍以左金吾衛上將軍李周冕權兼左衛使壬戌以守太尉兼中書令河南尹判六軍諸衛事魏王張宗奭爲天下兵馬副元帥丙寅以西面行營馬軍都指揮使檢校太保鄭州刺史充本州防禦使王彥章爲檢校太傅丁卯以西面行營馬步都指揮使左龍虎軍統軍賀瓌爲檢校太傅同中書門下平章事充宣義軍節度使鄭滑濮等州

觀察處置等使已。帝幸洛陽爲來年有事于南郊也。
遂幸伊闕親拜宣陵時。租庸使趙巖勸帝郊天且言帝
王受命須行此禮。願陛下力行之。宰臣敬翔奏曰。國家
自劉鄩失律以來。府藏殫竭。箕斂百姓供軍不暇。郊祀
之禮頒行賞賚所謂取虛名而受實弊也。況晉人壓境
車駕未可輕動。帝不聽。遂行。是月晉人陷楊劉城。帝聞
之懼。遂停郊禮。車駕急歸東京。癸酉詔文武兩班除元
隨駕人數外其餘並令御史司憲張衮部署候車駕離
京後一兩日發赴東京。甲戌以天下兵馬副元帥太尉
兼中書令河南尹魏王張宗奭爲西都留守。五代春
秋丁丑三年二月晉人來侵。癸未陽十
二月己巳帝幸西都。晉人來攻。楊劉

四年正月不克。郊已卯至自四都。

五代史貞明四年春正月晉人寇鄆濮之

境。車駕至自洛陽。庚辰以蔡州刺史姚勍權知感化軍
節度觀察留後。乙酉以前靜難軍馬步軍都指揮使黃
貴爲蔡州刺史。甲午以右領軍衛上將軍齊奉國爲左
金吾衛大將軍充街使。二月遣將謝彥章帥衆數萬迫
楊劉城。甲子晉王來援。楊劉敗。彥章之軍不利而退。三
月壬午以前右武衛上將軍齊已

以鎮國軍節度押衙充本道馬步軍都指揮使江可復爲衍州刺史壬寅鎮海鎮東等軍節度行軍司馬秦州節度使檢校太傅同平章事馬紳加檢校太尉同平章事依前鎮海鎮東等軍節度行軍司馬餘如故從錢鏐之請夏四月己酉尚書吏部侍郎蕭頃爲中書侍郎同也

中書門下平章事

五代史蕭頃字子澄京兆萬年人故相倣之孫

京兆尹廩之子頃聰悟善

屬文昭宗朝擢進士第厯度支巡官太常博士右補闕時國步艱難連帥倔強率多奏請欲立家廟于本鎮頃上章論奏乃止累遷吏部員外郎先是張濬自中書出爲右僕射梁祖判官高効使梁祖麾求一子出身官省爲右僕射梁祖判官高効使梁祖麾求一子出身官省寺皆稱無例濬曲爲行之指揮甚急吏徒惶恐頃判云僕射未集郎官赴省上指揮公事且非南宮舊儀濬聞之慙悚致謝頃由是知名梁祖亦獎之頃入梁厯給諫御史中丞禮部侍郎知貢舉咸有能名自禮部侍郎拜中書門下平章事與李琪同輔梁室事多矛盾莊宗入汴頃坐貶登州司戶量移濮州司馬數年遷太子賓客天成初爲禮部尚書太常卿太子少保致仕卒時年六十九輟朝一日贈太子少師又蕭愿字惟恭梁宰相

頃之子也頃明宗朝終于太子少保唐書有傳初愿之曾祖倣唐僖宗朝入相接客之次愿爲兒童戲效傳呼之聲倣謂客曰余豈敢以得位而喜所幸奕世壽考吾今又有曾孫在目前矣愿弱冠舉進士第解褐爲校書郎改畿尉直史館監察殿中侍御史遷比部員外郎右司郎中太常少卿明宗祀太微宮愿乘醉預公卿之列爲御史所彈左遷右贊善大夫未幾授兵部郎中復金紫丁內艱服闋自左司郎中拜右諫議大夫歷給事中右常侍秘書監改太子賓客廣順元年春卒贈禮部尚書惡性純謹承事父母未嘗不束帶而見然性嗜酒無節職事弛慢爲兵部郎中日常掌告身印覃恩之次頗怠職司父頃爲吏部尚書代願視印篆其散率如此願卒時年七十餘其母猶在一門壽考人罕及者已巳趙光逢罷五代史夏四月丁未以宣徽院使右衛上將軍趙毅權知青州軍州事以宣徽院副使韋堅權知本院事已酉以銀青光祿大夫行中書侍郎同中書門下平章事權判戶部鄭珏爲金紫光祿大夫中書侍郎兼刑部尚書平章事集賢殿大學士判戶部上柱國仍進封榮陽郡開國侯加食邑五百石以金紫光祿大夫行尚書吏部侍郎上柱國蘭陵縣開國

男食邑三百戶蕭頃爲中書門下平章事仍進封蘭陵
縣開國伯加食邑四百戶庚戌以前崇德軍使前右武
衛大將軍杜存爲右領軍衛上將軍甲寅以刑部郎中
充史館脩撰竇夢微草錢鏐
麻貶蓬萊尉帝召專入翰林遺崇政使李振問宰相云
專是宰臣蕭頃女婿令中書商量可否中書奏曰宰相
親情不居清顯避嫌之道雖著舊規若蒙特恩亦有近
例固不妨事帝乃可之已未靈武節度使韓洙落起復
授開府儀同三司依前檢校太傅同平章事癸亥以延
州忠義軍節度使太原西面招討應接使檢校太師兼
中書令渤海王高萬興兼鄜延兩道都制置使餘如故
時萬興弟鄜州節度使萬金卒故有是命已已以開府
儀同三司守司空兼門下侍郎同平章事趙光逢爲司
徒致仕兼加食邑五百戶以光逢累上章請老故也辛
未詔宰臣敬翔權判諸道鹽鐵使務壬申以太子賓客
趙光允爲吏部侍郎五月甲戌以荆南衙內馬步軍都
指揮使檢校司徒高從誨濱州刺史乙亥以特進檢
校太傅前潁州團練使張寶爲起復雲麾將軍依前潁
州團練使庚辰以工部尚書致仕孔拯爲國子祭酒己
丑以太常少卿韋象爲右諫議大夫六月甲辰以金紫

光祿大夫檢校司徒歙州刺史朱令德爲忠武軍節度觀察留後己酉以權知感化軍兩使留後特進檢校太保姚勣爲感化軍節度觀察留後庚戌以秘書少監王翹爲將作監以其父名秘故也丙辰以左監門衛將軍康贊美爲商州刺史以左衛上將軍張筠爲權知永平軍節度觀察留後兼判大安府事戊午以前景州刺史衛審符爲右衛大將軍庚申以河陽節度充北面行營排陣南京馬軍都軍節度等使光祿大夫檢校太保謝彥章爲匡國軍節度陳許蔡等州觀察處置等使以宣徽院副使韋堅權知河陽軍州事秋七月庚辰以商州刺史康贊美爲起復雲麾將軍依前商州刺史辛卯以前左驍衛上將軍楊詔爲右武衛上將軍戊戌以前匡國軍節度使檢校尚書左僕射羅周敬爲檢校司空守殿中監駙馬都尉八月丙午以右廣勝軍使劉君鐸爲虢州刺史戊申以武寧軍節度副使李存權知宿州事辛亥涇原節度使杜建徽加檢校太傅同平章事建徽吳越王錢鏐之將也遙領涇原節制至是以其上請加恩故有是命乙卯以蔡州刺史黃貴爲絳州刺史辛酉以絳州刺史尹皓爲感化軍節度觀察留後癸亥以前永平軍節度副使張正已爲房州刺史乙丑以宿州團

練使趙麓權知河陽節度觀察留後以左驍衛將軍劉去非爲郢州刺史戊辰以權知永平軍節度觀察留後兼判大安府事張筠爲永平軍節度觀察留後依前兼北面招討使賀瓌以兵屯濮州北行臺村對壘百餘日晉王以輕騎來覘許州節度使謝彥章發伏兵掩擊圍之數重會救軍至晉王僅以身免九月丁丑靜勝軍節度崇裕等州觀察處置等使特進檢校太傅同平章事溫昭圖檢校太尉甲午崇政院副使張希逸加金紫光祿大夫行秘書少監乙未起復雲麾將軍檢校太保壽州團練使張昌孫落起復冬五代史冬十月辛丑朔以前感化軍節度觀察留後授光祿大夫檢校太傅特進檢校太保姚勅爲左龍虎統軍充西都內外馬步軍都指揮使以洛苑使金紫光祿大夫檢校司徒守左威衛大將軍董璋爲右龍虎統軍已酉以安南靜海節度使檢校司徒曲美爲檢校太保同平章事庚戌以商州刺史康贊美爲蔡州刺史十一月壬辰前懷州刺史朱勅授起復雲麾將軍依前懷州刺史十二月庚子朔賀瓌殺其將謝彥章孟審澄侯溫裕癸亥瓌及

晉人戰于胡柳敗績是歲泰寧軍節度使張守進叛附

于晉亳州團練使劉鄆爲兗州安撫制置使以討之

原注

舊

史不書亡其月日故書于歲末爲明年克兗州張本

五代史

十二月庚子朔晉王領軍迫行臺寨距寨十

里結營而止北面招討使賀瓌殺許州節度使謝彥章

濮州刺史孟審澄

別將侯溫裕等于軍以謀叛聞爲行

營馬步都虞候朱珪搆之也晉王聞之喜曰彼將帥不

和亡無日矣丁未以行營諸軍馬步都虞候光祿大夫

檢校太保曹州刺史朱珪爲檢校太傅充匡國軍節度

觀察留後依前行營諸軍馬步都虞候癸丑詔曰行營

諸軍馬步都虞候匡國軍節度觀察留後朱珪昨以寇

戎未滅兵革方嚴所期朝夕之間克弭烟塵之患每于

將帥別注憂勞而謝彥章孟審澄

侯溫裕忽搆異圖將萌逆節賴朱珪挺施貞節密運沈機果致梟擒免資讐

敵特加異殊之命用旌忠孝之謀便委雄藩俾荷隆渥

可檢校太傅充平盧軍節度淄青登萊等州觀察處置

押新羅渤海兩蕃等使兼行營諸軍馬步軍副都指揮

仍進封沛國郡開國侯乙巳起復雲麾將軍檢校太

保陳州刺史惠王友能鎮國軍節度陝虢等州觀察處置等使起復雲麾將軍檢校太保邵王友誨並落起復
加檢校太傅以前房州刺史牛知業爲右羽林軍統軍
癸亥北面招討使賀瓌率大軍與晉人戰于胡柳陂晉
人敗績是日旣晡復爲晉人所敗初晉人起軍將襲東
京乃下令軍中老弱悉歸于鄆是月二十二日晉王次
臨濮賀瓌王彥章自行臺寨率軍蹕之二十四日至胡
柳陂晉王領軍出戰瓌軍已成列晉王以騎突之王彥
章一軍先敗彥章走濮陽晉人輜重在陣西瓌領軍薄
之晉人大奔自相蹈藉死者不可勝紀晉大將周德威
歿于陣瓌軍乃登土山列陣于山之下晉王復領兵來
戰瓌軍遂敗翼日晉人攻濮陽陷之京師戒嚴 五代
春秋戊寅四年正月晉人來侵鄆州己卯帝還東都謝
彥章帥師侵晉攻楊劉晉王救楊劉彥章及晉王戰彥
章師敗績十二月賀瓌殺謝彥章賀瓌及晉王戰于胡
柳陂晉師敗績是夕再戰瓌師敗績晉人遂取濮陽邠
州李保衡以地來歸

五年春正月晉軍于德勝

原注用兵無勝敗不書此梁晉得失所繫故書也 五代

史貞明五年春正月晉人城德勝夾河爲柵二月乙巳以宣徽院副使韋堅權知徐州軍事三月己卯以華州感化軍留後尹皓爲華州節度使加檢校太保同平章事癸未制削奪兗州節度使張守進在身官爵以其叛故也仍命劉鄩爲兗州管內安撫制置使領兵以攻之夏四月壬寅以永平軍留後兼判大安府事張筠爲永平軍節度使檢校太保行大安尹庚戌以鎮海軍北面水陸都指揮使湖州刺史檢校太傅錢傳璣遙領宣州寧國軍節度使加同平章事是月賀瓊攻德勝南城以戰艦橫于河以扼津濟之路晉人斷其艨艟濟軍以援南城瓊等退軍五月己巳山南東道節度使檢校太傅孔勑加同平章事丁亥以延州節度使鄜延兩道都制置太原西面招討應接等使渤海郡王高萬興爲檢校太師兼中書令充保大忠義等軍節度鄜延管內觀察等使是月以行營諸軍左廂馬軍都指揮使鄭州防禦使王彥章爲許州匡國軍節度觀察留後依前行營諸軍左廂馬軍都指揮使六月壬戌以天驥院使李隨權知登州軍州事玉堂閣話朱梁尹皓鎮華州夏荒地中得一物如石又如卵其色青黑光滑可愛令左將半出城巡警時蒲雍各有兵戈相持故也因下馬于

右收之又行二三十里見寺院佛遂真於像前其夜雷
霆大震狂雨如注天火燒佛堂而不損佛像蓋龍卵也
院外柳樹數百株皆倒植之其卵已失秋王自魏州還太原八月乙未朔
開封尹王瓊爲北面行營招討使五代史八月乙未朔
營招討使瓊乃與許州留後王彥章等率大軍自黎陽卒
濟營于楊村造浮梁以通津路九月丙寅制削奪廣州行
節度使南平王劉巖在身官爵以其將謀僭號故也乃
詔天下兵馬元帥劉巖劉鄩指揮攻討
史冬十月晉王復至魏州是月劉鄩攻下兗州擒張
進夷其族十一月丁丑以兗州安撫制置使特進檢
太傅大彭郡開國公劉鄩爲兗州節度使開府儀同三司
檢校太尉同平章事賞平兗之功也辛卯王瓊帥同三校守代
處讓傳皆爲張萬進紀傳不同未知孰是案薛史梁本
及張萬進傳俱云萬進降于梁賜名守歐陽史削去
名一事故紀傳不同

史十二月戊戌晉王領軍迫河南寨王瓚率師禦之獲
晉將石家才旣而瓚軍不利瓚退保楊村寨晉人陷濮
陽

六年

五代史貞明六年春正月戊子以曹州刺史朱漢賓爲安州宣威軍節度使以許州匡國軍節度觀察留後充散指揮都軍使檢校太傅王彥章爲匡國軍

節度使進封開國侯軍職如故二月癸丑宣州節度使以錢傳環起復依前檢校太傅同平章事宣州節度使以其丁內艱故也三月丁亥以前申州刺史張紹珪爲大

卿夏四月己亥降死罪以下囚乙巳尚書左丞李琪爲理

中書侍郎同中書門下平章事河中節度使朱友謙襲

同州殺其節度使程全暉叛附于晉泰寧軍節度使劉

鄆討之五代史夏四月丁亥制曰王者愛育萬方慈養百姓恨不驅之仁壽撫以淳和而炎黃有戰伐

之師除妖舜有堯
日昧永晝以至同文共軌告其猶病諸然則去
聊木在牛顧一之身暫勞以至同文共軌告其猶病諸然則去
鄧應之言暫息殘日雖託億兆之四海未又入年于茲業業具存
大頗限債致其貞明終已前陝額賦計苦暫息殘日雖託億兆之四海未又入年于茲業業具存
辟困充負恩名隨毫賦思況孽勞我邦將士久于戰征黎庶疲于力役無無兵者宜示好生特令減死除準格律常赦犯人如犯

累年未釋褐者與初任一官已釋褐者依前資叙用乙酉升宋州爲大都督府其餘廢大都督府額六月遣充州節度使劉鄂華州節度使尹皓崇州節度使溫昭圓莊宅使段凝領軍攻同州先是河中朱友謙襲陷同州節度使程全暉單騎奔京師友謙以其子令德爲同州留後表求節旄不允旣而帝慮友謙怨望遂命兼鎮同州制命將下而友謙已叛遣使求援于晉故命將討之秋七月陳州妖賊母乙自稱天子九月庚寅供奉官郎公遠爲契丹歡好使史九月庚寅以供奉官郎公遠充契丹歡好使晉王遣都將李嗣昭李存審王建及率師來援同州戰于城下我師敗績諸將以餘衆退保華州羅文寨冬十月母乙伏誅州妖賊母乙董乙董乙伏誅陳州里俗之人喜習左道依浮屠氏之教自立一宗號曰上乘不食葷茹誘化庸民糅雜淫穢宵聚晝散州縣因循遂致滋蔓時刺史惠王友能侍戚藩之寵動掠鄉社長吏不能詰是歲秋其衆益盛南通淮夷朝廷累發州兵討捕反爲賊所敗陳頴蔡三州大被其毒羣

敗乃立母乙爲天子其餘豪首各有樹置至是發禁軍及數郡兵合勢追擊賊潰生擒母乙等首領八十餘人城德勝夾河爲柵三月兗州張守進叛附于晉四月賀瓊帥師攻德勝南城不克八月王瓊帥師侵晉十月劉鄩克兗州誅張守進十二月王瓊及晉王戰于河曲

敗績

賀瓊

劉鄩

克

兗州

誅

張守進

十二月

王瓊

及晉王

戰于河曲

王仁昫讀書錄卷三

七

敗

乃

立

母乙

爲

天子

其

餘

豪

首

各

有

樹

置

至

是

發

禁

軍

及

數

郡

兵

合

勢

追

擊

賊

潰

生

擒

母乙

等

首

領

八

十

餘

人

械

送

關

下

並

斬

于

都

市

五

代

春秋

己卯

五

年

正

月

晉

人

城

德

勝

夾

河

爲

柵

三

月

兗

州

張

守

進

叛

附

于

晉

四

月

賀

瓊

帥

師

攻

德

勝

南

城

不

克

八

月

王

瓊

帥

師

侵

晉

十

月

劉

鄩

克

兗

州

誅

張

守

進

十二

月

王

瓊

及

晉

王

戰

于

河

曲

王仁昫讀書錄卷三

七

敗

乃

立

母乙

爲

天

子

其

餘

豪

首

各

有

樹

置

至

是

發

禁

軍

及

數

郡

兵

合

勢

追

擊

賊

潰

生

擒

母乙

等

首

領

八

十

餘

人

械

送

關

下

並

斬

于

都

市

五

代

春秋

己卯

五

年

正

月

晉

人

城

德

勝

夾

河

爲

柵

三

月

兗

州

張

守

進

十二

月

王

瓊

及

晉

王

戰

于

河

曲

王仁昫讀書錄卷三

七

敗

乃

立

母乙

爲

天

子

其

餘

豪

首

各

有

樹

置

至

是

發

禁

軍

及

數

郡

兵

合

勢

追

擊

賊

潰

生

擒

母乙

等

首

領

八

十

餘

人

械

送

關

下

並

斬

于

都

市

五

代

春秋

己卯

五

年

正

月

晉

人

城

德

勝

夾

河

爲

柵

三

月

兗

州

張

守

進

十二

月

王

瓊

及

晉

王

戰

于

河

曲

王仁昫讀書錄卷三

七

敗

乃

立

母乙

爲

天

子

其

餘

豪

首

各

有

樹

置

至

是

發

禁

軍

及

數

郡

兵

合

勢

追

擊

賊

潰

生

擒

母乙

等

首

領

八

十

餘

人

械

送

關

下

並

斬

于

都

灤等州觀察處置等使依前北面副招討使二月己未
以權知靜勝軍節度觀察留後前汝州防禦使華溫琪
爲靜勝軍節度觀察留後依前檢校太傅丙寅以荆南
節度使檢校太師兼中書令渤海郡王高季昌爲守中
書令依前荆南節度使庚午以晉州建寧軍節度觀察
留後劉玘爲晉州節度使檢校太保壬申史館上言伏
見北齊文士魏收著後魏書于時自魏太武之初至于
北齊書不獲就乃大徵百官家傳刊總斟酌隨條甄舉
搜訪遺亡數年之間勒爲一代典籍編在北史固非虛
言臣今請明下制勅内外百官及前資士子帝戚勳家
並各納家傳具述父祖事行源流及才術德業灼然可
考者並纂述送史館如記得前朝會昌已後公私亦任
抄錄送官皆須直書不用文藻兼以兵火之後簡牘罕
存應内外臣寮曾有奏行公事關涉制置或討論沿革
或章疏文詞有可採者並許編錄送納候史館脩撰之
日考其所上公事與中書門下文案事相符會或格言
正辭詢訪不謬者並與編載所冀忠臣名士共流家國
之耿光孝子順孫獲記祖先之丕烈而且周德見乎殷
紀舜典存乎禹功非唯十世可知庶成一朝大典臣叨
塵委任獲領監脩將贖素餐輒干元覽詔從之鹽鐵轉

運使敬翔奏請于雍州河陽徐州三處重置場院稅茶從之已卯禮部尚書充西都副留守兼判尚書省事崔沂奏西京都省凡有公事奏聞常須借印施行伏請鑄尚書省分司印一面從之是月鎮州大將王德明殺其帥王鎔自稱留後遣使來求援宰臣敬翔請許之租庸使趙巖等以爲不可乃止

三月丁亥朔

禁私度僧尼陳州刺史惠王友能反

五代史三月丁亥

胡祠部員外郎李

樞上言請禁天下私度僧尼及不許妄求師號紫衣如願出家受戒者皆須赴闕比試藝業施行願歸俗者一聽自便詔曰兩都左右皆賜紫衣及師號僧委功德使具名聞奏今後有闕方得奏薦仍須道行精至夏臘高深方得補填每遇明聖節兩街皆各許官壇度七人諸道如要度僧亦仰就京官壇仍令祠部給牒今後只兩街置僧錄道錄僧正並廢已丑以前兵部郎中杜光又爲左諫議大夫致仕壬寅改襄州鄆縣爲沿夏縣亳州焦夷縣爲夷父縣密州漢諸縣爲夏五代史夏四月陳

膠源縣從中書舍人馬縞請也夏州刺史惠王友能反舉兵向闕帝命將出師逆擊敗之友能走保陳州詔

張漢傑率兵進討勅開封府太康襄邑雍邱三縣遭陳

州賦軍奔衝其夏五月丙戌朔德音改元降流罪已下
稅只據見苗輸納囚五代史五月丙戌朔制日朕聞惟辟動天惟聖時憲
故君爲善則天降之以福爲不善則降之以災朕以眇末之身託于王公之上不能荷先帝艱難之運所以致蒼生塗炭之危兵革薦興災害仍集內省厥咎蓋由朕躬故北有大戎猾夏之師西有蒲同亂常之旅連年戰伐積歲轉輸虔劉我士民侵據我郡邑師無宿飽之饋家無擔石之儲而又水潦爲灾蟲蝗作沴戒謹作于上怨咨聞于下而况骨肉之內竊弄干戈畿甸之中輒爲陵暴但責躬而罪已敢怨天以尤人蓋朕無德以事上元無功以及兆庶不便于時者未能去有益于民者未能行處事昧于酌中發令乖于至當招致災患引翼禍殃罪在朕躬不敢自赦夙夜是懼寢食靡寧將勵已期克念之心與皇王而合道其貞明七年宜改爲龍德元年應天一下見禁罪人除大辟罪外遞減一等德音到後三日內疏理訖奏應欠貞明三年四年諸色殘欠五年六年夏稅殘稅並放侍衛親軍及諸道行營將士等

第頒賜優賞已從別勅處分左降官與量移已經量移者與復資長流人各移近地已經移者許歸鄉里前資朝官寄寓遠方仰長吏津置赴闕內外文武常參官節度使留後刺史父母亡歿者並與封贈公私債負納利及一倍已上者不得利上生利先經陣歿將校各與追贈云以宣和庫使守右領衛將軍李嚴權知兗州軍州事丁亥詔曰郊禋大禮舊有渥恩御殿改元比無賞給今則不循舊例別示特恩其行營將士賞賚已給付本家宜令招討使霍彥威副招討使王彥章陳州行營都指揮使張漢傑曉示諸軍知委是月兗州節度使充河東道行營都招討使劉鄂卒六月己亥以都點檢諸司法物使檢校司徒行左驍衛大將軍李肅爲右威衛上將軍秋赦友能降封房陵侯天平軍節度使戴思遠爲北面行營招討使五代史秋七月陳州朱友能降庚子詔曰朕君臨四海子育兆民唯持不黨之心庶叶無私之運其有齒予戚屬雖深敦叙之情于我國經難固含宏之旨須遵常憲以示至公特進檢校太傅使持節陳州刺史兼御史大夫上柱國食邑三千戶惠王友能列爵爲王頒條治郡受元戎之寄任處千里

之封疆就進官資已登崇貴時加錫賚以表優隆宜切
知恩合思盡節撫俗當申于仁政佐時期効于忠規而
狎彼小人納其邪說忽稱兵而向闕敢越境以殘民侵
犯郊畿驚撓輦遠邇咸嫉謀畫交陳及興問罪之師
旋驗知非之狀瀝懇繼陳于章表束身願赴于闕庭備
述艱危覩加寬恕朕得不自爲屈已姑務安仁特施貸
法之恩蓋舉議親之律詢于事體抑有朝章止行退責
之文用塞衆多之論可降封房陵侯於戲君臣之體彼
有不恭伯仲之恩予垂立愛顧茲輕典豈稱羣情凡在
臣寮當體朕意甲辰制以特進檢校太傅衡王友諒可
封嗣
廣王冬十月思遠及晉人戰于戚城敗績五代史冬十
使戴思遠攻德勝塞之北城晉人來援思遠敗于戚城
五代史
春秋辛巳龍德元年三月趙人張文禮弑其君
鎔四月陳州友能反師圍陳州七月友能降赦之八月
晉閻寶帥師討張文禮十月戴思遠帥師侵晉攻德勝
北城晉王救德勝思遠及晉王戰于戚城
思遠師敗績定州王處直爲其子都所廢

二年春正月思遠襲魏州取成安

五代史龍德二年春正月戴思遠率師襲

魏州時晉王方攻鎮州故思遠乘虛以襲之陷成安而思遠遂急攻德勝北城晉將李存審極力拒守二月晉王以兵至思遠收軍而退復保楊村秋八月滑州兵馬留後段凝攻衛州執其刺史李存儒戴思遠克淇門共城新鄉

五代史入月段凝張

朗攻衛州下之獲刺史李存儒以獻戴思遠又下淇門共城新鄉等三縣自是澶州之西相州之南皆爲梁有晉人失軍儲三分之一焉

五代春秋壬午二年正月

戴思遠侵晉取成安遂攻德勝北城晉王敗契丹于新

城二月晉王救德勝思遠退師八月段凝帥師

攻晉衛州克之晉李存審克鎮州誅張文禮

三年春三月潞州李繼韜叛于晉來附

五代史龍德三年春三月晉潞

州節度留後李繼韜遣使以城歸順先是繼韜父嗣昭爲潞州節度使戰歿于鎮州城下晉王欲以嗣昭長子繼儔襲父位繼韜在潞州卽執繼儔囚之遣使來送欵仍以二幼子爲質澤州刺史裴約不從繼韜之謀帝命

董璋爲澤州刺史夏五月己巳晉王卽唐帝位

史令將兵救之夏于魏州改天祐十二年爲同光元年

閏四月唐人取鄆州

原注晉未卽位已自與梁爲敵國至其建號于梁無所利害故不書

唐建號而書唐人者因事而見爾

五代史閏月王寅

唐軍襲鄆州陷之巡檢使前陳州刺史劉遂嚴本州都

指揮使燕顥奔歸京師皆斬于都市

五月庚申宣義軍節度使王彥章爲

北面行營招討使取德勝南城

五代史五月以滑州節度使王彥章爲北面行

營招討使辛酉王彥章率舟師自楊村寨浮河而下斷

德勝之浮梁攻南城下之殺數千人唐帝棄德勝之北城併軍保楊劉已巳王彥章段凝圍楊劉城六月乙亥

唐帝引軍援楊劉潛軍至博州築壘于河東岸戊子王

彥章杜晏球率兵急攻博州秋五代史秋七月丁未唐

之新壘不克遂退保于鄒口秋帝引軍沿河而南王彥

章棄鄒口復至楊劉已未

八月段凝爲北面行營招討

使先鋒將康延孝叛降于唐

五代史八月以段凝代王彥章爲北面行營招討使

戊子段凝營于王村引軍自高陵渡河復臨河而還董

璋攻澤州下之庚寅唐帝軍于胡城先鋒將康延孝率

百騎奔于唐盡洩其軍機命滑州節度使王彥章率兵屯守鄆之東境九月戊辰彥章以衆渡汎與唐軍遇于遞坊鎮彥章不利退保中都

冬十月甲戌宣義軍節度使王彥章及

唐人戰于中都敗績死之

原注凡官皆不重書此書者嫌彥章已罷招討使而與唐

戰蓋罷使而別唐人取曹州盜竊傳國寶奔于唐

史冬

十月辛未朔日有食之甲戌唐帝引師襲中都王彥章兵潰于是彥章與監軍張漢傑及趙廷隱劉嗣彬李知

節康文通王山興等皆爲唐人所獲翼日彥章死于任城帝聞中都之敗唐軍長驅將至遣張漢倫馳驛召段凝于河上漢倫墮馬傷足復限水潦不能進時禁軍尙

有四千人朱珪請以拒唐軍帝不從登建國門召開封

尹王瓊謂之曰段凝未至社稷繫卿方畧瓊卽驅軍民

登城爲備或勸帝西奔洛陽趙巖曰勢已如是下一

此樓誰心可保乃止俄報曰晉軍過曹州矣帝置傳國寶于臥內俄失其所在已爲左右所盜竊迎唐帝矣戊

寅皇帝崩

原注年三十六

梁亡

原注書曰梁亡見唐莊宗之立

速也四月莊宗立稱唐十月梁

始亡見唐不待滅梁而立
甫麟謂之曰吾與晉人世讐不可俟彼刀鋸卿可盡我
命無令落讐人之手麟不忍帝曰卿不忍將賣我耶麟
舉刀將自剄帝持之因相對大恸戊寅夕麟進刃于建
國樓之廊下帝崩麟卽時自剄遜明唐軍攻封邱門王
瓊迎降唐帝入宮妃郭氏號泣迎拜初許州獻綠毛龜
宮中造室以蓄之命曰龜堂帝嘗市珠于市旣而日珠
數足矣衆皆以爲不祥之言帝末年改名真字一十一
十月一八日果以十一年至十月九日亡唐帝初入
東京聞帝殂憮然歎曰敵惠敵怨不在後嗣朕與梁主
十年對壘恨不生見其面尋詔河南尹張全義收葬之
其首藏于太社晉天福二年五月詔太社先藏唐朝罪
人首級許親屬及舊僚收葬時右衛上將軍婁繼英請
之會繼英得罪乃詔左衛上將軍安崇阮收葬焉史臣
曰末帝仁而無武明不照姦上無積德之基可乘下有
弄權之臣爲輔卒使勁敵奄至大運俄終雖天命之有
歸亦人謀之所誤也惜哉 五代會要龍德三年十月
八日唐兵入汴州爲控鶴將皇甫麟弑于建國樓之廊
下年三十六後唐同光元年十月追降爲庶人莊宗入
汴州詔全義收罪人首骨藏于太社至晉天福二年安

崇阮收葬之年號三自乾化二年至五年改貞明貞六年改龍德龍德盡二年宰相八人姚洎于兢楊涉趙光逢鄭珏蕭頃敬翔李琪使相三十二人錢鏗馬殷張全義馬賓葉廣畧龐巨昭楊師厚牛存節王擅劉巖張歸霸高萬興朱友謙劉鄆高季興王審知溫韜葛從周賀德倫錢傳璟賀瓌孔勍張萬進尹皓李繼韜馬綽杜建徽袁象先李仁福康懷英韓洙曲美五代春秋癸未三年三月潞州李繼韜以地來附四月晉人來取鄆州五月王彥章帥侵晉攻德勝南城克之晉師乘德勝北城保楊劉王彥章圍楊劉不克八月段凝帥師侵晉十月辛未朔日有食之晉王來襲中都王彥章帥敗于中都彥章歿于師晉師迫京師戊寅帝崩于建國樓下

五代史記卷第三

五代史記卷第四

盧陵歐陽脩撰

徐無黨原注

南昌彭元瑞注

劉鳳誥排次

唐本紀第四

莊宗光聖神閔孝皇帝

五代會要後唐莊宗光聖神閔孝皇帝姓李氏諱存勗追冊武

皇帝長子母曰貞簡皇后曹氏唐光啟元年十二月二十二日生於晉陽宮以其日爲萬壽節

其先本

號朱邪蓋出于西突厥至其後世別自號曰沙陀而以
朱邪爲姓唐德宗時有朱邪盡忠者居于北庭之金滿
州貞元中吐蕃贊普攻陷北庭徙盡忠于甘州而役屬
之其後贊普爲回鶻所敗盡忠與其子執宜東走贊普

怒追之及于石門關盡忠戰死執宜獨走歸唐居之鹽州以隸河西節度使范希朝希朝徙鎮太原執宜從之居之定襄神武川之新城其部落萬騎皆驍勇善騎射號沙陀軍執宜死其子曰赤心懿宗咸通十年神策大將軍康承訓統十八將討龐助于徐州以朱邪赤心爲太原行營招討沙陀三部落軍使以從破勦功拜單于大都護振武軍節度使賜姓名曰李國昌以之屬籍唐會
要咸通元年敕沙陀首領朱邪赤心賜姓李氏名國昌籍系鄭王房以討平徐州叛卒龐助功沙陀素強而國昌恃功益橫恣懿宗患之十三年徙國昌雲州刺史大同軍防禦使國昌稱疾拒命國昌子克用尤善

騎射能仰中雙鳬爲雲州守捉使

譚克用本姓朱耶氏五代史太祖武皇帝

其先隴右金城人也始祖拔野唐貞觀中爲墨離軍使從太宗討高麗薛延陁有功爲金方道副都護屬之分瓜州太宗平薛延陁諸部于安西北庭置都護因家于同羅僕骨之人置沙陁都督府蓋北庭有磧曰沙陁故因以爲名焉永徽中以拔野爲都督其後子孫五世相承曾祖盡忠貞元中繼爲沙陁府都督而爲吐蕃所陷乃舉其族七千帳徙于甘州盡忠尋率部衆三萬東奔俄而吐蕃追兵大至盡忠戰歿祖執宜卽盡忠之長子奔入爲金吾將軍遷蔚州刺史代北行營招撫使莊宗卽位追謚爲昭烈皇帝廟號懿祖烈考國昌本名赤心唐朔州刺史咸通中討龐勋有功入爲金吾上將軍賜姓李氏名國昌仍係鄭王房出爲振武節度使尋爲吐渾所襲退保于神武川及武皇鎮太原表爲代北軍節度使中和三年薨莊宗卽位追謚爲文皇帝廟號獻祖武皇卽獻祖之第三子也母秦氏以大中十年丙子歲九月二十日生于神武川之新城在姓十三月載誕之際母艱危者竟夕族人憂駭市藥于雁門遇神叟告曰非

巫醫所及可馳歸盡率部人披甲持旄擊鉦鼓躍馬大噪環所居三周而止族人如其教果無恙而生是時虹光燭室白氣充庭井水暴溢武皇始言喜軍中語齧齒于空射之連中衆皆臣伏新城北有毗沙天王祠祠前善騎射與儕類馳騁嬉戲必出其右年十三見雙鳬翔井一日沸溢武皇因持卮酒而奠曰予有尊主濟民之志無何井溢故未察其禍福惟天王若有神奇可與僕交談奠酒未已有神人被金甲持戈隱然出于壁間見助者大驚走惟武皇從容而退由是益自負獻祖之討勦也武皇年十五從征摧鋒陷陣出諸將之右軍中目嘗爲飛虎子賊平獻祖授振武節度使武皇爲雲中牙將嘗在雲中宿于別館擁妓醉寢有俠兒持刀欲害武皇及突厥入曲室但見烈火熾赫于帳中俠兒駭異而退又捉與達靼部人角勝達靼指雙鷹于空曰公能一發中否武皇卽彎弧發矢連貫雙鷹邊人拜伏及壯爲雲中守使事防禦使支謨與同列晨夕解舍因戲升郡閣回蹻謨之座謨亦不敢詰北夢瑣言河東李克用其先陀磧立沙陁府以招集降戶後克用祖朱耶執宜與其父曾依吐蕃背吐蕃歸朝德宗於鹽州置陰山府以執

宜爲都督後遷也執宜生赤心以討徐州龐勳功賜國姓并名號李國昌。懿宗問其先世所出云本隴西金城人依寓吐蕃帝曰我先與汝同鄉里敕令編籍鄭王房始爲雲州大同將軍節度次授鄜延振武代北三節度共姪克讓爲羽林存勗平梁蜀奄有中原追尊執宜號懿祖國昌號獻祖克用號太祖皇帝太祖在姪十三月載誕之夕母后甚危令族人市藥於雁門遇神人教以率部人被介持旄擊鉦鼓躍馬大噪環所居三周而止果如所教而生是日紅光燭室白氣充庭井水暴溢及能言喜道軍旅年十二三能連射雙鳥至於樹葉針鋒馬鞭皆能中之曾於新城北以酒醉毗沙門塑像請與僕立談天王被甲持矛隱隱出於壁間或所居帳內時如火聚如有龍形人皆異之嘗隨祖征龐勳軍陣出沒如神號爲飛虎子眇一日時號獨眼龍功業磊落不可盡述城縣也國昌已拒命克用乃殺大同軍防禦使段文楚據雲州國昌已拒命克用乃殺大同軍防禦使段文楚據雲州自稱留後唐以太僕卿盧簡方爲振武節度使會幽并

兵討之簡方行至鳳州軍潰由是沙陀侵掠代北爲邊

患矣

五代史乾符三年朝廷以段文楚爲代北水陸發運雲州防禦使時歲薦飢文楚稍削軍食諸軍咸

怨武皇爲雲中防邊督將部下爭訴以軍食不充邊校

程懷素王行審蓋寓李存璋薛鐵山康君立等卽擁武

皇入雲州衆且萬人營于關雞臺城中械文楚出以應

于外諸將列狀以聞請授武皇旄鉞朝廷不允徵諸道

兵以討之明年僖宗卽位以謂前太原節度使李業遇沙陀

有恩而業已死乃以其子鈞爲靈武節度使宣慰沙陀

六州三部落使

原注六州三部落皆不見其名處據唐書除使有此語爾

以招輯之

拜克用大同軍防禦使居久之國昌出擊黨項吐渾赫

連鐸襲破振武克用聞之自雲州往迎國昌而雲州人

亦閉關拒之國昌父子無所歸因掠蔚朔間得兵三千

國昌入保蔚州克用還據新城僖宗乃拜鐸大同軍使

以李鈞爲代北招討使以討沙陀

五代史乾符五年黃巢渡江其勢滋蔓大

子乃悟其事以武皇爲大同軍節度使檢校工部尚書

冬獻祖出師討党項吐渾赫連鐸乘虛陷振武舉族爲

吐渾所據武皇至定邊軍迎獻祖歸雲州雲州守將拒

關不納武皇畧蔚朔之地得三千人屯神武川之新城

赫連鐸晝夜攻圍武皇昆弟三人四面應賊俄而獻祖

自蔚州引軍至吐渾退走自是軍勢復振天子以赫連

鐸爲大同軍節度使仍命進軍以討武皇乾符五年沙陀破遮虜軍又破岢

嵐軍而唐兵數敗沙陀由此益熾北據蔚湖南侵忻代

嵐石至于太谷焉

五代史乾符六年春朝廷以昭義節度使李鈞充北面招討使將太原之

師過石嶺關屯于代州與幽州李可舉會赫連鐸同攻

蔚州獻祖以一軍禦之武皇以一軍南抵遮虜城以拒

李鈞是冬大雪弓弩弦折南軍苦寒臨戰大敗奔歸代

州李鈞中流矢而卒

通鑑考異趙鳳後唐太祖紀年

錄曰乾符三年河南水災盜蜂起朝廷以段文楚爲代北水陸發運雲州防禦使以代支謨時歲薦饑文楚擁帳訴以軍食不充請具聞奏邊校程懷信康君立等十餘人立爲太祖後唐閔帝史官張昭遠撰莊宗功臣列傳曰康君立爲雲中牙校事防禦使段文楚時天下將亂代北仍謂君立等曰段公儒者難與共事方今四方雲擾皇威不振丈夫不能於此時立功立事非人豪也吾等雖擁部衆然以雄勁聞於時者莫若李振武父子官高功大勇冠諸軍吾等合勢推之則代北之地旬月可定功名大蔚州富貴事無不濟也時武皇爲沙陀三部落副兵馬使在代北將臣以邊事歲饑荒便削儲給我等邊人焉能守死已洩遲則變生咸通十三年十二月盡忠夜帥牙兵攻

牙城執文楚及判官柳漢璋陳韜等繫之於獄遂自知軍州事遣君立召太祖於蔚州是月太祖與吐渾突厥三部落衆萬人趨雲中十四年正月六日至鬪雞臺盡忠遣監軍判官符印請太祖知留後事七日盡忠械文楚漢璋等五人送鬪雞臺軍人亂食其肉九日太祖權知留後府牙受上三軍表請授太祖大同防禦使懿宗不悅時已除盧簡方代文楚未至而文楚被害實錄乾符元年十二月李克用殺大同軍防禦使段文楚自稱防禦留後塞下之亂自茲始矣又唐末三朝聞見錄作者不著撰人姓名專記晉陽事其書云乾符五年戊戌賀游自前守京兆尹拜河東節度使在任便值大同軍變殺防禦使段文楚正月二十六日軍於石窯二十七日到白泊二十九日至靜邊軍三十日築卻四面城門二月一日在城將士三人共賞絹一疋監軍使差仇判官聞奏李盡忠等准詔各賞馬一匹銀鞍轡一副銀三錠銀椀一枚絹一束錦二疋紫羅三疋諸軍將銀椀絹等三日李盡忠郤入四日兩面馬步五萬餘入城四面營下營五日又賞土團牛酒六日監軍使送牌印與李九郎七日城南門樓上繫縛下段尚書柳漢璋雍侍御陳韜等四人尋分付軍兵於鬪雞臺西副郤又令馬軍踐

踏卻骸骨八日李九郎被土團馬步軍約一千人持弓刀送上與舊紀五年事微合實錄亦頗采之云五年正月壬戌竇澣奏沙陀首領李盡忠冠石窯泊至靜邊軍二月奏李盡忠求賞詔賞馬一匹銀鞍勒綿絹等按莊宗列傳舊紀克用殺文楚在咸通十三年十二月歐陽脩五代史記取之太祖紀年錄在乾符三年薛居正五代史新沙陀傳取之見開錄在乾符五年二月新紀取之惟實錄在乾符元年不知其所據何書也克用旣殺文楚豈肯晏然安處必更侵擾邊陲朝廷亦須發兵征討而自乾符四年以前皆不見其事唐末見開錄敘日月今廣明元年招討使李涿會幽州李可舉雲州赫從之連鐸擊沙陀克用與可舉相拒雄武軍其叔父友金以蔚州降于涿克用聞之遽還可舉追至藥兒嶺大敗達靼五代史廣明元年春天子復命元帥李涿率兵數萬屯代州武皇令軍使傅文達起兵于蔚州朔州

刺史高文集與薛葛安慶等部將轉文達送于李沃六
月李涿引大軍攻蔚州獻祖戰不利乃率其族奔于達
部鞚克用少驍勇軍中號曰李鴟兒其一眇及其貴也

又號獨眼龍

五代史補太祖武皇本朱耶赤心之後沙陀人也其先生於鵬窠中酋長以其異

生諸族傳養之遂以諸爺爲氏言非一父所養也其後

言訛以諸爲朱以爺爲耶至太祖生眇一目長而驍勇

善騎射所向無敵時謂之獨眼龍大爲部落所疾太祖

恐禍及遂舉族歸唐授雲州刺史賜姓李名克用黃巢

犯長安自北引兵赴難功成遂拜太原節度使封晉王

又武皇之有河東也威聲大振淮南楊行密常恨不

識其狀貌因使畫工詐爲商賈往河東寫之畫工到未

幾人有知其謀者擒之武皇初甚怒旣而親謂曰且吾

素眇一目試召亟使寫之覩其所爲如何及至武皇按

膝厲聲曰淮南使汝來寫吾真必畫工之尤也寫吾不

及十分卽階下便是死汝之所矣畫工再拜下筆時方

盛暑武皇執八角扇因寫扇角半遮其面武皇曰汝詔

吾也遽使別寫之又應聲下筆畫其臂弓據箭之狀仍

微合一日以觀箭之曲直武皇大喜因厚賂金帛遣之

五代史闕文武皇眇一目謂之獨眼龍性喜殺左右小有過失必置於死初諱眇人無敢犯者常令寫真畫工卽爲燃箭之狀微瞑一日圖成而進武皇大悅賜予甚厚

其威名蓋于代北其在

達靼久之鬱鬱不得志又常懼其圖已因時時從其羣

豪射獵或掛針于木或立馬鞭百步射之輒中羣豪皆

服以爲神

五代史居數月吐渾赫連鐸密遣人賂達靼以離間獻祖旣而漸生猜阻武皇知之每召

其豪右射獵于野或與之百步馳射馬鞭或以懸

針樹葉爲的中之如神由是部人心伏不敢竊發

已陷京師

五代史俄而黃巢自江淮北渡武皇椎牛酾酒

天子赦宥有詔徵兵僕與公等南向而定天下是予心

也人生世間光景幾何曷能終老沙堆中哉公等勉之

達靼知無留意皆釋然無間是歲十一月黃巢寇渝關

天子令河東監軍陳景思爲代北起軍使收兵破賊十

二月黃巢犯長安僖宗幸蜀陳景思與李友金發沙陁

諸部五千騎南赴京師
友金卽武皇之族父也

中和元年代北起軍使陳景思

發沙陀先所降者與吐渾安慶等萬人赴京師行至絳州沙陀軍亂大掠而還景思念沙陀非克用不可將乃

以詔書召克用于達靼

五代史中和元年二月友金軍至絳州將渡河刺史瞿稹謂陳

景思曰巢賊方盛不如且還代北徐圖利害四月友金旋軍雁門瞿稹至代州半月之間募兵三萬營于崞縣之西其軍皆北邊五部之衆不閑軍法瞿稹李友金不能制友金謂景思曰興大衆成大事當威名素著則可以伏人今軍雖數萬苟無善帥進亦無功吾兄李司徒父子去歲獲罪于國家今寄北部雄武之畧爲衆所推若驃騎急奏召還代北之人一麾響應則妖賊不足平也景思然之促奏行在天子乃以武皇爲雁門節度使仍令以本軍討賊李友金發五百騎齋詔召武皇于達靼承制以爲代州刺史雁門以北行營節度使率蕃漢萬人出石嶺關過太原求發

軍錢節度使鄭從謙與之錢千緡米千石克用怒縱兵

大掠而還

五代史武皇卽率達靼諸部萬人趨雁門五月整兵二萬南嚮京師太原鄭從謙以兵守

石嶺關武皇乃引軍出他道至太原城下會大雨

于雁門平巢事蹟考李友金入援至絳州刺史瞿稹

謂曰賊勢方盛不可輕進乃俱還代州募兵得三萬人

皆北方雜虜屯於崞西犷悍暴橫稹與友金不能制友

金誠監軍陳景思曰吾兄司徒父子勇畧過人爲衆所

服請奏天子赦其罪召以爲帥則代北之人一麾響應

賊不足平也景思遣使言之詔如所請友金以五百騎

迎之克用率達靼諸部萬人應之又黃巢兵勢尚強

復光曰李僕射驍勇有強兵素有徇國之忠所以不來

者以與河東結隙爾若以朝旨喻鄭公而召之必來來

則賊不足平矣時王鐸在河中乃以墨敕召克用喻從

謙克用遂將沙陀萬七千人趨河中不敢入河東境獨

以數百騎過晉陽城下別從謙厚贈之十二月以克用

爲雁門節度使通鑑考異實錄陳景齊詔入達靼

召李克用軍屯蔚州克用

二年十一月景思克用復以

因大掠雁門以北軍鎮

步騎萬七千赴京師

五代史中和二年八月獻祖自達靼部率其族歸代州十月武皇率

折代蔚朔達韃之軍三萬五千騎赴難于京師先移檄

太原鄭從讜拒關不納武皇以兵擊之進軍至城下遣

人齋幣馬遺從讜從讜亦遣人餌武皇貨幣饔餼軍三

器武皇南去自陰地趨晉絳十二月武皇至河中

年正月至于河中進屯乾坑巢黨驚曰鴟兒軍至矣二

月敗巢將黃鄴于石隄谷三月又敗趙璋尙讓于良田

坡橫尸三十里是時諸鎮兵皆會長安大戰渭橋賊敗

走入城克用乘勝追之自光泰門先入戰望春宮昇陽

殿巢敗南走出藍田關京師平

五代史中和三年正月晉國公王鐸承制授武

皇東北面行營都統武皇令其弟克修領前鋒五百騎渡河視賊黃巢遣將米重威齊重賂及偽詔以賜武皇納其賂以給諸將燔其偽詔是時諸道勤王之師雲集京畿然以賊勢尙熾未敢爭鋒及武皇將至賊帥

相謂曰鴻兒軍至當避其鋒武皇以兵自夏陽濟河二月營于乾坑黃巢大將尙讓林言王璠趙璋等引軍十二萬屯于梁田陂翼日大軍合戰自午及晡巢賊大敗是夜賊衆遁據華州武皇進軍圍之巢弟黃郢黃揆棄華州而遁王鐸固守三月尙讓引大軍赴援武皇率兵萬餘逆戰于零口大敗武皇進軍渭橋翌日黃揆棄華州而遁王鐸承制授武皇雁門節度使檢校尙書左僕射四月黃巢燔長安收其餘衆東走藍關武皇進收京師通鑑考異實錄甲辰李克用與忠武將龐從河中將白志遷橫野將滿存朝邑將康思貞三敗賊於渭橋大破之義成門義武等軍繼進乙巳巢賊燔長安宮室收餘衆自光泰門東走由藍田關以遁諸軍進取京師又唐補紀揚復光泰門入襲逐至昇陽殿下殺賊盈萬黃巢軍敗上又唐補紀揚黑賊憚曰鴻軍至矣當避其鋒三年正月李克用將軍四萬敗陣上平巢事蹟考克用爲東北面行營都統軍數敗食盡陰爲遁計發兵三萬控藍田道遣尙讓又唐補紀揚救華陰李克用及王重榮引兵逆戰破之克用進軍渭橋每夜令其將薛忠勤康君立潛入長安焚積穀斬虜數敗食盡陰爲遁計發兵三萬控藍田道遣尙讓又唐補紀揚

而還賊中大驚李克用復敗尚讓於零口遂取華州五月克用與忠武將龐從河中將白志遷等引兵先進與巢軍戰於渭南一日三捷義成義武等軍繼之賊衆大奔克用等入京師巢焚宮室遁去多遺珍重於路官軍爭取之不急追賊遂逸去詔克用同平章事克用時年二十入於諸將最少而兵勢最強功居第一諸將皆畏之一日微眇視之謂之獨眼龍

同中書門下平章事河東節度使以國昌爲雁門以北行營節度使

五代史七月天子授武皇金紫光祿大夫檢校左僕射河東節度使是時武皇旣收長安軍勢甚雄諸侯之師皆畏之武皇一日微眇故其時號爲獨眼龍是月武皇仗節赴鎮遣使報鄭從謹治裝歸朝武皇次于郊外因往赴雁門寧覲獻祖八月自雁門赴鎮河東時年二十有八通鑑考異唐末見聞錄五月敕除李尚書雁門節度使六月二十五日雁門節度使李僕射般次於府東路過六月內有除目到相公除替赴閹鴈門節度李相公除河東節度使十五日相公取西明門進發當月內新使李相公有榜示安撫

在城軍人百姓曰無懷舊念各仰安家十月國昌卒通鑑考異薛居正五代史武皇紀國昌中和三年薨唐末見閣錄中和三年十月老司徒薨舊書位新沙陀傳光啟三年國昌卒太祖紀年錄光啟三年正月云是歲獻祖文皇帝之喪太祖哀毀行服不獲專征實錄置此年二月今從之

十一月遣其弟克脩攻昭義孟方立取

其澤潞二州方立走山東以邢洛磁三州自別爲昭義

軍原注昭義軍在唐時跨山東西管五州至是澤潞入于晉邢洛磁孟氏據之故當時有兩昭義

五代史十一月平潞州表其弟克脩爲昭義節度使潞帥孟方立退保于邢州通鑑考異實錄克用表李克修爲節

度使於是分昭義黃巢南走至蔡州降秦宗權遂攻陳軍五代史十二月許帥田從興汴帥朱溫徐帥時溥陳州刺史趙犨各遣使來告以巢蔡合從凶鋒尚識請武皇共力討賊四年克用以兵五萬救陳州出天井關假道河

陽諸葛爽不許乃自河中渡河四月敗尚讓于太康又

敗黃鄴于西華巢且走且戰至中牟臨河未渡而克用

追及之賊衆驚潰北至封邱又敗之巢脫身走克用追

之一日夜馳二百里至于冤朐不及而還

五代史中和四年春武皇

率蕃漢之師五萬自澤潞將下天井關河陽節度使諸葛爽辭以河橋不完乃屯兵于萬善數日移軍自河中

南渡趨汝洛四月合徐汴之師破尚讓于太康斬獲萬計進攻賊于西華城將黃鄴棄營而遁是夜大雨巢營

中驚亂乃棄西華之壘退營陳州北故陽里五月癸亥大雨震電平地水深數尺賊營爲水所漂而潰戊辰武

皇引軍營于中牟大破賊于王滿渡庚午巢賊大至濟

汴而北是夜復大雨賊衆驚潰武皇營于鄭州賊衆分

寇汴境武皇渡汴遇賊將渡而南半濟擊之大敗之臨

陣斬賊將李周王濟安陽景彪等是夜賊大敗殘衆保

于胙縣寃句大軍竄之巢乃携妻子兄弟千餘人東走武皇追賊至于曹州

過汴州休軍封

禪寺朱全忠饗克用于上源驛

王昭新志陳橋驛在京師陳橋封邱二門之間

唐爲上元驛朱全忠縱火欲害李克用之所

夜酒罷克用醉卧伏兵發火起

侍者郭景銖滅燭匿克用牀下以水醒面而告以難會

天大雨滅火克用得從者薛鐵山賀回鶻等隨電光絕

尉氏門出還軍中七月至太原訟其事于京師請加

兵于汴遣弟克修將兵萬人屯于河中以待僖宗和解

之五代史是月班師過汴汴帥迎勞于封禪寺請武皇

休于府第乃以從官三百人及監軍使陳景思館于

上源驛是夜張樂陳宴席汴帥自佐饗出珍幣侑勸武

皇酒酣戲諸侍妓與汴帥握手敘破賊事以爲樂汴帥素忌武皇乃與其將楊彥洪密謀竊發彥洪于巷陌連車樹柵以扼奔竄之路時武皇之從官皆醉俄而伏兵

竊發來攻傅舍武皇方大醉誤聲動地從官十餘人捍

賊侍人郭景銖滅燭扶武皇以茵幕裹之匿于牀下以

水灘面徐曰汴帥謀害司空武皇方張目而起引弓抗
賊有頃烟火四合復大雨震電武皇得從者薛鐵山賀
同鵠等數人而去雨水如澍不辨人物隨電光登尉氏
門追城而出得還本營監軍陳景思大將史敬思並遇
害武皇旣還營與劉夫人相向慟哭詰旦欲勒軍攻汴
夫人曰司空比爲國家討賊赴東諸侯之急雖汴人謀
害自有一朝廷論列若反戈攻城則曲在我也人得以爲
辭乃收軍而去馳檄于汴帥汴帥報曰竊發之夜非僕
本心是朝廷遣天使與牙將楊彥洪同謀也武皇自立
牢關西趨蒲陝而旋秋七月至太原武皇自以累立大
功爲汴帥怨圖陷沒諸將乃上章申理及武皇表至朝
廷大恐遣內臣宣諭平巢事蹟考四年四月周岌時
搏朱全忠以黃巢兵尙強求救於李克用克用將蕃漢
兵五萬救之巢圍陳州幾三百日趙犨兄弟大小數百
戰雖兵食將盡而衆心益固克用會許汴徐兗之軍於
陳州攻尚讓拔之巢懼五月大雨平地三尺巢營爲水
所漂且闢克用至遂引兵東北趨汴州至尉氏尚讓以
驍騎五千進逼大梁全忠復告急於克用克用追之及
於中牟北至蒲渡乘其半渡奮擊大破之斬萬餘人賊
遂潰尚讓率其衆降巢踰汴而北克用追擊之於封邱

又破之巢收餘衆近千人東奔兗州克用追至兗句驛能屬者纔數百人晝夜行二百餘里以糧盡還汴州欲裹糧復追之獲巢幼子及乘輿服器符印得所掠男女萬餘人皆縱遣之克用至汴州朱全忠襲之走還晉陽

用破巢功封克用隴西郡王同平章事隴西郡王光啟

元年

五代史光啟元年三月幽州李可舉鎮州王景崇連兵寇定州節度使王處存求援于武皇武皇遣

大將康君立安老薛可郭啜率兵赴之五月鎮人攻無極武皇親領兵救之鎮人退保新城武皇攻之斬首萬

餘級獲馬千匹王處存亦敗燕軍于易州李克用北

嶽題名河東節度使檢校太保同中書門下平章事隴

西郡王李克用以幽鎮侵擾中山領蕃漢步騎五十萬

衆親來救援與易定司空同申祈禱翌日過常山問罪時中和五年二月廿一日克用記易定節度使檢校司

空王處存看題至三月十七日以幽州請就和斷遂郤班師再謁辟容兼申賽謝便取飛狐路卻歸河東廿一日克用重記夢溪筆談北岳常山之峯謂之大茂山

者是也半屬契丹以大茂山分脊爲界岳祠舊在山下石晉之後稍遷近裏今其地謂之神棚今祠乃在曲陽

碑殿前一亭中有李克用題名云太原河東節度使李

克用親領步騎五十萬問罪幽陵回師自飛狐路卽歸

鴈門今飛狐路在大茂之西自銀冶寨北出倒馬關度
虜界郤自石門子冷水鋪入瓶形梅回兩寨之間至代
州今此路已不通唯北塞西出承天關河至河東然路

極峭狹太平興國中車駕自太原移河中王重榮與宦

幸常山乃由土門路至今有行宮

原注克用不僭號故不稱王焉

重榮使

者田令孜有隙徙重榮兗州以定州王處存爲河中節
度使詔克用以兵護處存之鎮

原注克用不僭號故不稱王焉

重榮使

人紿克用曰天子詔重榮俟克用至與處存共誅之因
僞爲詔書示克用曰此朱全忠之謀也克用信之八上
表請討全忠僖宗不許克用大怒重榮旣不肯徙僖宗

遣邠州朱玫鳳翔李昌符討之克用反以兵助重榮敗

攻于沙苑遂犯京師縱火大掠天子出居于興元克用退屯河中朱攻亦反以兵追天子不及得襄王煴迫之稱帝屯于鳳翔僖宗念獨克用可以破攻而不能使也當破黃巢長安時天下兵馬都監楊復恭與克用善乃遣諫議大夫劉崇望以詔書召克用且道復恭意使進兵討攻等克用陽諾而不行五代史十一月河中王重榮遣使來乞師且言邠州

朱攻鳳翔李符將加兵于已初武皇與汴人構怨前後入表請削奪汴帥官爵自以本軍進討天子累遣內臣

楊復恭宣旨令且全大體武皇不時奉詔天子頗右汴帥時觀軍容使田令孜君側擅權惡王重榮與武皇膠固將離其勢乃移重榮于定州重榮告于武皇武皇上章言李符朱攻挾邪忌正黨庇朱溫臣已點檢蕃漢軍

五萬取來年渡河先斬朱攻李符然後平盪朱溫天子覽表遣使譬喻百端輶傳相望旣而朱攻引邠鳳之師

攻河中王重榮出師拒戰朱玫軍于沙苑對壘月餘十二月武皇引軍渡河與朱玫決戰玫大敗收軍夜遁入于京師時京城大駭天子幸鳳翔武皇退軍于河中光啟二年正月僖宗駐蹕于寶雞武皇自河中遣使上章請車駕還京且言大軍止誅凶黨時田令孜請僖宗南幸興元武皇遂班師朱玫于鳳翔立嗣襄王溫爲帝以餚詔賜武皇武皇燔之械其使馳檄諸方鎮遣來使奉于行在九月武皇遣昭義節度使李克脩討孟方立于邢州大敗方立之衆于焦岡斬首數千級以大將安金俊爲邢州刺史以撫其降人十月進攻邢州邢人出戰又敗之孟方立求援于鎮州鎮人出兵三萬以援方立克脩班師光啟三年六月河中節度使王重榮爲部將常行儒所殺武皇表重榮兄重盈爲帥七月武皇以安金俊爲澤州刺史時張全義白河陽據澤州及李罕之收復河陽召全義令守洛陽全義乃棄澤州而去故以金俊守之文德元年二月僖宗自興元還京三月僖宗崩昭宗卽位以武皇爲開府儀同三司檢校太師兼侍中隴西郡王食邑七千戶食實封二百戶河南尹張全義潛兵夜襲李罕之于河陽城陷舉族爲全義所擄罕之踰垣獲免來歸于武皇遣李存孝薛阿檀史儼兒

安金俊安休休將七千騎送罕之至河陽汴將丁會
存節葛從周將兵赴援李存孝率精騎逆戰于溫縣汴
人旣阨太行之路存孝殿軍而退騎將安休休以戰不
利奔于蔡武皇以罕之爲澤州刺史遙領河陽節度使
十月邢州孟方立遣大將奚忠信將兵三萬寇遼州武
皇大破之斬首萬級生擒奚忠信通鑑考異太祖紀
年錄朱玫李昌符每連衡入觀於天子指陳利害規畫
方畧不佑太祖黨庇逆溫太祖拗怒滋甚時田令孜惡
太祖與河中膠固奏云王重榮北引太原其心可見不
可處之近輔定州王處存忠孝盡心請授以蒲帥移重
榮於定州天子從之重榮憤憤不悅告於太祖曰主上
新返大臣播弄此際無辜遽被斥逐明公當究其深
心今日使僕安歸會太祖憤怒朱玫輩卽報曰當與公
捉出汜水關誅逆賊之後則去此鼠輩如疾風之去
鴻毛耳重榮曰吾地迫邠岐公若東出闢二兒必傅吾
詔宣諭兼達復恭之意重榮克用又寶錄楊復恭兄弟
于李克用王重榮有破賊連衡之舊乃奏遣劉崇望齋
斬紀年錄僞使至太原太祖詰其事狀曰皆朱玫所爲將
大將蓋寓等言鑾輿播遷天下皆歸咎於我

今不誅朱攻黜李煜無以自湔洗太祖燔燔詔械其使
馳檄諭諸鎮曰今月二十日得襄王偽詔及朱攻文字
云田令孜脅遷鑾駕播越梁洋行至半途六軍變擾遂
至蒼皇而晏駕不知弑逆者何人永念不基不可無主
昨四鎮藩后推朕纂承已於正殿受冊畢改元大赦者
李煜出自贊疣名汗藩邸智昏菽麥識昧機權李符據
之以塞辭朱攻賣之以爲利呂不韋之奇貨可見奸邪
蕭世誠之土囊期于匪夕近者富道經差健步奉表起
居行朝見駐巴梁宿衛比無騷動而朱攻脅其孤駛自
號台衡敢作亂階明言晏駕焚惑藩鎮凌弱廟朝云云
又太祖紀年錄七月癸巳澤州刺史張全明年孟方
義棄城而遁太祖以安金俊爲澤州刺史

立死其弟遷立五代史龍紀元年五月遣李罕之李存
孟方立恚恨飲酖而死三軍立其姪遷爲留後使求援
于汴汴將王虔裕率精甲數百入于邢州罕之等班師
取邢洺磁三州乃遣安金俊攻赫連鐸於雲州幽州李

匡威救鐸戰于蔚州金俊大敗

通鑑考異實錄四月丙辰朔李克用遣安金俊

帥師攻雲州赫連鐸求援於幽州李匡威出師于赴之戰於蔚州太原府軍大敗燕師執金俊獻於朝

是匡威鐸及朱全忠等皆請因其敗伐之昭宗以克用

破黃巢功高不可伐下其事臺省四品官議議者多言

不可宰相張濬獨以謂沙陀前逼僖宗幸興元罪當誅

可伐軍容使楊復恭克用所善也亦極諫以爲不可昭

宗然之詔諭全忠等全忠陰賂濬使持其議益堅昭宗

不得已以濬爲太原四面行營兵馬都統韓建爲副是

時潞州將馮霸叛降于梁梁遣葛從周入潞州唐以京

兆尹孫揆爲昭義軍節度使克用遣李存孝執揆于長

子五代史大順元年遣李存孝攻邢州孟遷以邢洛磁
三州降執汴將王虔裕三百人以獻武皇徙孟遷于
太原以安金俊爲邢洛團練使三月昭義軍節度使李
克修卒以李克恭爲潞州節度使是月武皇攻雲州拔
其東城赫連鐸求援于燕燕帥李匡威將兵三萬以赴
之戰于城下燕軍大敗時徐州時溥爲汴軍所攻遣使
來求援武皇命石君和由充鄆以赴之五月潞州軍亂
殺節度使李克恭州人推牙將安居受爲留後南結汴
將時潞之小將馮霸擁叛徒三千騎駁于沁水居受使
人召之馮霸不至居受懼出奔至長子爲村胥所殺傳
首于霸領遂入潞州自爲留後武皇遣大將康君立李
存孝等攻之汴將朱崇節葛從周率兵入潞州以固之
是時幽州李匡威雲州赫連鐸與汴帥協謀連上表請
加兵于太原宰相張濬孔緯贊成其事六月天子削奪
武皇官爵以張濬爲招討使以京兆尹孫揆爲副華州
韓建爲行營都虞候以汴帥爲河東南面招討使幽州
李匡威爲河東北面招討使雲州赫連鐸爲副汴將朱
友裕將兵屯晉絳時汴軍已據潞州又遣大將李謙等
率軍數萬急攻澤州武皇遣李存孝自潞州將三千騎
以援之汴將鄧季筠以一軍犯陣存孝追擊擒其都將

十數人獲馬千餘匹是夜李讜收軍而退大軍掩擊至
馬牢關斬首萬餘級追襲至懷州而還存孝復引軍攻
潞州八月存孝擒新授昭義節度使孫揆初朝廷授揆
節鉞以本軍取刃黃嶺路赴任存孝偵知之引騎三百
伏于長子縣崖谷間揆建牙持節褒衣大蓋擁衆而行
存孝突出谷口遂擒揆及中使韓歸範并將校五百人行
存孝械揆等以組練繫之環于潞州遂獻于武皇武皇
謂揆曰公指紳之士安言徐步可至達官何用如是揆
無以對令繫于晉陽獄武皇將用爲副使使人誘之揆
言不遜遂殺之北夢瑣言唐末朝廷圍太原不克以
宰相張濬爲都統華帥韓建爲副使澤潞孫揆尚書
本道兵會伐軍容使楊復恭與張相不叶逗撓其師因
而自潰由是貶張相爲虢州牧孫尚書爲太原所執詬
罵元戎李公克用以狗豬代之李公大怒俾以鋸解雖
加苦楚而鋸齒不行入座乃謂曰死狗豬解人須用板
夾然後可行汝何以知之由是施板而鋸方行未絕板
間罵聲不歇何乃壯而不怖斯則君子之儒必有勇也
近者劉知俊自梁奔秦自秦奔蜀驍暴之聲天下咸聞
焉蜀先主坐其慘酷而誅之受戮日章皇萬端乞命不
得也孫揆尚不聞也

書少年不慧涕淚狼籍蒙然而已十又遣康君立取潞

五歲適然一變非唯時俊乃烈士也

州立爲潞州節度使以李存孝爲汾州刺史

五代史九月汴將葛從周棄潞州而遁武皇以康君

異唐太祖紀年錄六月朱崇節葛從周據潞州李重允

鄧季筠張全義將兵七萬攻澤州李存孝將三千騎赴

援初汴軍攻城門呼李罕之云云李存孝憤其言引鐵

騎五百追擊入季筠營門生獲其都將十數是夜汴將

李謙收軍而遁存孝罕之追擊至馬牢山斬首萬級追

襲掩擊至於懷州而還存孝復引軍攻潞州九月二日

葛從周率衆棄城而遁唐末見聞錄閏九月昭義軍前

狀申昭義軍人拔滅逃遁收下城池擒獲到餘黨五十

人巾縛送上至二十日行營都指揮使李存孝迴戈歸

府實錄九月甲申朔康君立急攻潞州朱全忠駐河

陽遺李謙引軍趨澤潞至馬牢山川與并師大戰不利

鄧季筠被執復遣朱友裕張全義至澤州北應援葛從周朱崇節率衆棄潞州歸又實錄大順元年十月太

原將邢州刺史李存孝自晉州帥行營兵行據邢州

十一月濬及克用戰于陰地濬軍三戰三敗濬建遁歸

五代史十月張濬之師入晉州遊軍至汾隰武皇遣薛鐵山李承嗣將騎三千出陰地關營于洪洞遣李存孝之營存孝追擊直壓晉州西門張濬之師出戰爲存孝所敗自是閉壁不出存孝引軍攻絳州十二月晉州刺史張行恭棄城而奔韓建張濬由含山路遁去通鑑攷異實錄十一月王師入陰地關至汾隰李克用遣將薛阿檀李承嗣拒之李存信以兵五千圍趙城韓建以華州兵戰信設伏擊破之鄆鳳師未戰而走禁軍自此大敗存信直壓晉州西門引軍攻絳州十二月王午朔晉州刺史張行恭棄城而遁韓建以諸軍保晉州李存信追擊戰敗退保絳州張濬以汴卒禁軍屯晉州存信攻之三日濬建拔晉絳遁還存信收二州大祖紀年錄十月張濬之師入陰地犯汾隰令薛鐵山李承嗣將騎三千出陰地繼發李存孝將兵五千進擊營於趙城敗韓建直壓晉州西門自是閉壁不出存孝攻絳州十二月晉州刺史張行恭棄城遁建濬由含山路遁去蓋楊復恭陰沮之也唐補紀曰朱全忠自攻破徐州頻首章表克用與朱攻同立襄王以爲大逆其朱攻以下

並已誅鋤克用時最爲魁首據其罪狀請舉天兵臣率師關東掎角相應朝廷遂以宰臣張濬爲都統授崔允爲河中節度應援使大軍行到同州克用領蕃漢馬步三十萬入河北界其張濬使人探朱全忠兵馬並不來相應乃於昭義西與太原交戰不利而回朝廷知爲全忠所賣便差使至克用所與賞給今回貶都統張濬陷於雲夢除崔允於嶺外王室閒詔張相濬富於權畧素不知兵昭宗朝親統扈駕六師往討太原遂至失律屬郡也牧守姓張卽蒲帥王珂之大校珂變詐難測復慮軍旅經過落其詭計濬乃先數程而行泊于平陽之傳舍六軍相次由陰地關而進濬深忌晉牧復不敢除張於一舍郊迎旣駐郵亭濬令張使君升廳茶酒設食畢復命茶酒不令暫起仍留晚食訖已晡時又不令起卽更茶數甌至張燈乃詣辭去自旦及暮不交一言口中咀少物遙觀一如交談之狀珂性多疑動有警察時偵事者尋已密報之云刺史與相國密話竟夕珂果疑召張問之曰相國與爾自旦至暮所話何對云並不交言王殊不信謂其不誠戮之六師乃假途歸京了無纖慮後判邦計諸道各致綏綺之類並不受之乃命

專人面付之曰爾述吾意以此物改充軍行所費之物
鍋幕布槽啖馬藥土產所共之物咸請備之於是諸藩
鎮欣然奉之以至軍行十萬所要無闕皆心匠之所規
畫梁祖忌之潛令刺客殺之於長水莊上南楚新聞
唐宰相張濬常與朝士於萬壽寺閱牡丹而飲俄有雨
降抵暮不息羣公飲酣未闌左右伶人皆御前供奉第
一部者恃寵肆狂無所畏憚其間一輩曰張隱忽躍出
揚聲引詞曰位乖變理致傷殘四面牆匡不忍看正是
花時堪下淚相公何必更追歡告訖遂去闔席愕然相
訝失色一時俱散張但慚恨而已孫之翰朱全忠論
昭宗卽位世已亂矣雖尊禮大臣博求賢傑志欲興復
大業號令天下時大臣賢而忠者杜讓能一人而已其
他無不與方鎮相結方鎮何人賊也卒也虜也彼皆麤
暴之性一無忠義之節方相吞噬亦藉大臣爲援大臣
欲固權位自相合爾大臣如孔緯者有一時名望尙與
全忠交通崔昭緯輩艱險之人固與邠岐相結矣內外
將相不忠天下大勢橫流已至於此昭宗欲何施爲乎
然賊臣之心亦可恩信待之一時倚賴者莫若太原有
平賊大功爵賞已厚俱爲全忠所圖蓄怨不解若昭宗

以念功之恩禮有加虜性勤直感恩必深既深則順
必久太原順則河中近輔鎮魏舊帥豈有不順之勢數
鎮既順使讓能賢相經營於內復引同心之賢者贊助
時政宦官暴橫者去之姦人害政者逐之朝廷漸治國
威或可振矣奈何因全忠請討太原不用讓能之言而
聽張濬孔緯之計輕舉兵帥太原拒命以成跋扈之勢
太原跋扈無可倚賴矣時無倚賴誠臣得以督制朝廷
讓能知勢不可爲以死許國可謂大忠矣是時諸鎮交
亂車駕不能寧處復留兇逆之人久爲
輔相與巨盜盡篡逆之計乃亾唐祚矣克用兵大掠晉
絳至于河中赤地千里克用上表自訴其辭慢侮天子
爲之引咎優詔答之二年二月復拜克用河東節度使

隴西郡王加檢校太師兼中書令

五代史大順二年正月武皇上章申理

其畧曰臣今身無官爵名是罪人不敢歸陛下藩方且
欲于河中寄寓進退行止伏候聖裁天子尋就加守中
書令是月魏博爲汴將葛從周所寇節度使羅宏信遣
使來求援武皇出師以赴之三月邢州節度使安知建

叛奔青州天子以知建爲神武統軍自棣州泝河歸朝
鄆州朱宣邀斬于河上傳首晉陽以李存孝爲邢州節

度使四月攻赫連鐸于雲州圍之百餘日鐸走吐渾史五代四

月武皇大舉兵討赫連鐸于雲州遣騎將薛阿樞率前
軍以進攻武皇設伏兵于御河之上大破之因輕守其

城七月武皇進軍亂柳會赫連鐸力屈食盡奔于吐渾

部遂歸幽州雲州平武皇表石善友爲大同軍防禦使

八月大蒐于太原出晉絳掠懷孟至于邢州遂攻王鎔
于鎮州克用柵常山西以十餘騎渡滹沱覘敵遇大雨
平地水深數尺鎮人襲之克用匿林中禱其馬曰吾世

有太原者馬不嘶馬偶不嘶以免前軍李存孝取臨城

進攻元氏李匡威救鎔克用還軍邢州五代史邢州節

度使李存孝以

鎮州王鎔託附汴人謀亂河朔北連燕寇請乘雲代之
捷平定燕趙武皇然之八月大蒐于晉陽遂南巡澤潞

畧地懷孟河陽趙克裕等風送款請修鄰好九月蒐于

邢州十月李存孝董前軍攻臨城鎮人五萬營于臨城

西北龍尾岡武皇令李存審李存賢以步軍攻之鎮人

大敗殺獲萬計拔臨城進攻元氏幽州李匡威以步騎

五萬營于鄗邑以援鎮州

景福元年王鎔攻邢州李存

武皇分兵大掠旋軍邢州

信李嗣勳等敗鎔于堯山二月會王處存攻鎔戰于新

市爲鎔所敗

五代史景福元年正月鎮州王鎔恃燕人之援率兵十餘萬攻邢州之堯山武皇遣

李存信將兵應援李存孝素與存信不協遞相猜貳留

兵不進武皇又遣李嗣勳李存審將兵援之大破燕趙之衆斬首三萬收其軍實三月武皇進軍渡滹沱

攻欒城下鼓城橐城四月燕軍寇雲代武皇班師八月

李匡威攻雲州以牽克用之兵克用潛入于雲州返出擊匡威匡威敗走

五代史八月赫連鐸誘幽州李匡威之衆八萬寇天成軍遂攻雲州營于

州北連亘數里武皇潛軍入于雲州詰旦出騎軍以擊之斬獲數萬李匡威燒營而遁通鑑考異太祖紀年

錄是月幽帥李匡威會赫連鐸引吐蕃點憂斯之衆十萬寇我北鄙攻遮虜軍太祖御親軍出塞營于渾河川

之田村李存孝引前鋒與賊戰於樂安鎮賊軍大敗遁走十月李存孝以邢州叛代史十月邢州李存孝叛納款于梁李存信構之也

二年存孝求援于王鎔克用

出兵井陘擊鎔且以書招鎔而急攻其平山鎔懼遂與

克用通和獻帛五十萬匹出兵助攻邢州乾寧元年三

月執存孝殺之

五代史景福二年春大舉以伐王鎔以其通好于李存孝也二月攻天長鎮旬

日不下王鎔出師三萬來援武皇逆戰于叱日嶺下鎔人敗斬首萬餘級時歲饑軍乏食脯屍肉而食之進軍

下井陘李存孝將兵夜入鎮州鎮人乞師于汴汴帥方

攻時溥不暇應之乃求援于幽州李匡威率兵赴之武

皇乃班師七月武皇討李存孝于邢州遂攻平山渡滹水攻鎮州王鎔懼以帛五十萬犒軍請脩舊好仍以鎮

冀之師助擊存孝許之武皇進圍邢州十二月武皇狩于近郊獲白兔有角長三寸乾寧元年三月邢州李存

孝出城首罪繫歸太原輒于市邢洺磁三州平武皇表
馬師素爲邢州節度使五月鄆州節度使朱宣爲汴軍
所攻遣使來乞師武皇遣騎將安福順安福應安福遷
督精騎五百假道于魏州以應之九月潞州節度使康
君立以酈死通鑑考異太祖紀年錄先獲汁將鄧筠
安康八軍吏劉蘷子潞州所俘供奉官韓歸範皆與存
孝連坐同日誅之薛阿檀自刺冬攻幽州李匡儔弃城走追至景城

見殺以劉仁恭爲留後

五代史十月武皇自晉陽率師伐幽州初李匡儔奪據兄位燕

人多不義之安塞軍戍將劉仁恭望族歸于武皇武皇遇之甚厚仁恭數進畫于蓋寓言幽州可取之狀頗得兵一萬指期平定武皇討李存孝于邢州轂兵數千欲納仁恭不利而還李匡儔由是騎急數犯邊境武皇怒故率軍以討之是時雲州吐渾赫連鐸白義成並來歸命皆笞而釋之十一月進攻武州甲寅攻新州十二月李匡儔命大將率步騎六萬救新州武皇選精甲逆戰燕軍大敗斬首萬餘級生獲將領百餘人曳練徇于新州城下是夜新州降辛亥進攻媯州王子燕兵復合于居庸關拒戰武皇命精騎以疲之令部將李存審出他

道擊之自午至晡燕軍復敗甲寅李匡儔攜其族棄城而遁將之滄州隨行輜重減獲妓妾甚衆滄帥盧彥威利其貨以兵攻匡儔于景城殺之盡據其衆丙辰進軍幽州其守城大將請降武皇令李存審與劉仁恭入城撫勞居人如故市不改二年五代史乾寧二年正月武肆封府庫以迎武皇二年皇在幽州命李存審劉仁恭徇諸屬郡二月以仁恭爲權幽州留後從燕人之請也留腹心燕留德等十餘人分典軍政武皇遂班師凡駐幽州四十日河中王重榮卒其諸子珂珙爭立克用請立珂翔李茂貞邠寧王行瑜華州韓建請立珙昭宗初兩難之乃以宰相崔允爲河中節度使旣而許克用立珂茂貞等怒三鎮兵犯京師聞克用亦起兵乃皆罷去六月克用攻絳州斬刺史王璠璠珙弟助珙以爭者七月至于河中同州王行約奔于京師陽言曰沙陀十萬至

矣謀奉天子幸邠州茂貞假子閻圭亦謀劫幸鳳翔京

師大亂昭宗出居于石門克用軍留月餘不進昭宗遣

延王戒丕丹王允兄事克用且告急

五代史六月武皇率蕃漢之師自晉

陽趙

三輔討鳳翔李茂貞邠州王行瑜華州韓建之亂先是三帥稱兵向闕同弱王室殺害宰輔時河中節度使王重盈卒重盈之子珂卽武皇之子婿也權典軍政

其兄珙爲陝州節度使瑤爲絳州刺史與珂爭河中遂

訴于岐鄆華三鎮言珂本蒼頭不當襲位珂亦訴于武

皇武皇上表保薦珂乞授河中旄鉞詔可之三帥遂以

兵入觀大掠京師請授王珂同州節度使王瑤河中節

度使天子亦許之武皇遂舉兵表三帥之罪復移檄三

鎮三鎮大懼是月次絳州刺史王瑤登陴拒命武皇攻

之旬日而拔斬王瑤于軍門誅其黨千餘人七月次河

中王珂迎謁于路已未同州節度使王行約棄城奔京

師與左軍兵士劫掠西市都民大擾行約卽行瑜弟也

庚申樞密使駱全瓘以武皇之軍將至請天子幸右軍

指揮使李繼鵬茂貞假子也本姓閻名珪與全瓘謀劫

天子幸鳳翔左軍指揮使王行實亦行瑜之弟也與劉景宣欲劫天子幸邠州兩軍相攻縱火燒內門烟火爆天天子急詔鹽州六都兵士令追殺亂兵左右軍退走王行瑜李茂貞聲言自來迎駕天子懼出幸南山駐蹕于莎城是夜焚惑犯心王戊武皇進收同州問天子幸石門遺判官王懷奉表奔問天子遣使賜詔令與王珂同討邠鳳時武皇方攻華州俄聞李茂貞領兵士三萬至藍屋王行瑜領兵至興平欲往石門迎駕乃解華州之圍進營渭橋天子使延王戒不丹王允濟詔促武皇兵直抵邠鳳北夢瑣言唐乾寧中鳳翔李茂貞華州韓建邠州王行瑜擁兵脅君誅戮宰輔焚燒宮闈劫帝西幸鳳翔昭宗出居石門莎城太原克用領蕃漢馬步入京三鎮大懼是年破邠州斬王行瑜昭宗嘉獎倚賴命延王不丹王允濟詔賜李公衣服兼令二親王設拜以兄事之近古未有也仍封晉王以寵之延王才識過人聰悟辯慧在晉陽留宴累月每獻酬樂作必爲晉王王起舞後爲韓建所殺通鑑考異唐太祖紀年錄王師迎駕乃解華圍進營渭橋八月克用進軍渭橋以爲邠攻華州俄而邠廷昱且言茂貞領兵三萬至藍屋行瑜領軍至興平欲往石門迎駕乃解華圍進營渭橋

寧四面行營都統昭宗還京師

官張承業齊詔告諭涇

帥張鎬已領步騎三萬于京西北陝邠岐之路武皇進

營渭北遣史儼將三千騎往石門扈駕遣李存信李存

審會鄜延之兵攻行瑜之梨園寨天子削奪行瑜官爵

以武皇爲天下兵馬都招討使以鄜州李思孝爲北面

招討使以涇州張鎬爲西南面招討使天子又遣延王

丹王賜武皇御衣及大將茶酒弓矢命二王兄事武皇

延王傳天子密旨云一昨非卿至此已爲賊庭行酒之

人矣所慮者二凶締合卒難翦除且欲姑息茂貞令與

卿修好俟梟斬行瑜更與卿商量武皇上表請駕還京

令李存節領二千騎于京西北以防邠賊奔突辛亥天

子還宮加武守太師中書令邠寧四面行營都統時

王行瑜弟兄固守梨園寨我師攻之甚急李茂貞遣兵

萬餘來援行瑜營于龍泉鎮茂貞自率兵三萬迫咸陽

武皇奏請詔茂貞罷兵兼請削奪茂貞官爵詔曰茂貞

勒兵蓋備非常尋已發遣歸鎮又言茂貞已誅李繼鵬

李繼景卿可切戒兵甲無犯土疆武皇請賜河中王珂

旌節三表許之又表李罕之爲副都統十月丙戌李存

信于梨園寨北遇賊軍斬首千餘級自是賊閉壁不出

戊子天子賜武皇內弟子四人又降朱書御札賜魏國夫人陳氏是月王行瑜因敗衄之後閉壁自固武皇令李罕之晝夜急攻賊軍乏食拔營而去李存信與罕之等先伏軍于阨路俟賊軍之至縱兵擊之殺戮萬計是日收梨園等三寨生擒行瑜之子知進並母邱氏大將李元福等二百人送赴闕廷庚寅王行約王行實燒劫寧州遁走寧州守將徐景乞降武皇表蘇文建爲邠州節度使且于寧州爲治所通鑑考異莊宗列傳三鎮亂長安李存信從太祖入關以前軍先自夏陽渡河攻同華屬邑下之時太祖在渭北伶官羣小或勸太祖入朝自握兵柄太祖亦以全忠圖已朝廷不能斷心微有希望月餘不進軍存信與蓋寓乘間密啟曰大王家世効有忠此行討逆止爲邠鳳不臣但令臣節爲天下所知卽三賊不足平也而悠悠之徒不達大體或以弗詢之畫苟合台情雖俳優之言不宜縱其如此京師咫尺天聽非遙實無益於英德也今三凶正盛須速圖之事留變生無宜猶豫太祖曰公言是也卽日出師下梨園砦渝以精甲五千守之李茂貞出兵來瑜走至慶州見殺

五代史十一月丁巳收龍泉寨時行瑜以精甲五千守之李茂貞出兵來

十一月克用擊破邠州王行

援爲李罕之所敗鄖賊遂棄龍泉寨而去行瑜復入鄖州大軍進逼其城行瑜登城號哭曰行瑜無罪昨殺南北司大臣是岐帥將兵脅制主上請治岐州行瑜東身歸朝武皇報曰王尚父何恭之甚耶僕受命討三賊臣公其一也如能束身歸闕老夫未敢專命爲公奏取進止行瑜懼棄城而遁武皇收其城封府庫遽以捷聞旣而慶州奏王行瑜將家屬五百人到州界爲部下所殺傳首闕下唐摭言李沼者封川相猶子也其妻乃董常侍禹之女也大順中邠州節度使尚父王行瑜外族董氏以舅事於禹沼樂遊行瑜之門行瑜呼沼李郎會與計偕僕馬生生之具皆行瑜所致沼由是大恣未幾按甲來觀諷天子誅大臣搘紳間重足一跡沼出入行瑜之門頗有得色及行瑜敗捕沼亡命秦隴克用還軍雲陽請擊茂貞昭宗慰勞克用使與茂貞解仇以絳難拜克用忠正平難功臣封晉王五代史武皇旣平行瑜還軍渭北十二月武皇爲忠正平難功臣進封晉王加實封二百戶武皇復上表請討李茂貞天子不允武皇私謂詔使曰觀主上

意疑僕別有他腸復何言哉但禍不去胎憂患未已又
奏臣統領大軍不敢徑赴朝覲遂班師文苑英華冊
太原節度使守太師兼中書令晉王制維年月日皇帝
若曰我國家作法於仁達情以禮振典謨而誕告載名
器以公行何嘗不動懷多難豐報不烈矧乃圖先廟社
允集王功誠動日星必承天祐王功建而臣節盡天祐
至而君命宜昔經武爲師賜履荷宗周之寵今在邦稱
傑剖符受全楚之封英偉相侔古今同典當勳而舉非
我有私具官某博厚自持堅剛不惑抱公能察守貴必
恭騫然飛將之風增彼懦夫之氣而先臣奇備間代雄
才兄上視書太公來受雲中饗士李牧復生出輩洛以
行師轉淮沂而殄逆倅哉茂績興在後昆爾乃開國象
賢勤王繼志諱因心而無改敬遺體以有爲英鵠旣臨
文茵是藉率乎羣后自絕他時控彼諸戎下連右臂日
者驅除大盜爰復神州焜耀元功載書盟府以啟紹開
之慶是資戡定之勞而復念先朝薦擢否運朱玫則罪
極邊伯李煜則親非子類肆其樹置之謀黠我繼承之
統是以奮飛長檄條列本支道濟惡之亂流披崇姦之
僭黨夷児有力賀福無違近則王行瑜驕以叛恩頤將
敗族爾乃先知塗地每恥同天顧刑憲之可加抗封章

而不避潛思歃血墳欲廢皮而逆豎犯闕興兵朕方奔車出次始懷愧懼未暇翦除行瑜轉禍終迷于誅罔畏螯手而不能自斷噬脐而誰復與論爾聞難成憂而躬決策衝冠激怒折筆興言冀行已勵於五申急召寧煩於二節武剛夙駕屈產跳驅存誠而有禮則安舉事而不疑何不乃聲鐘鼓乃合諸侯留屯雖在於郊圻宿飽匪勞於漕輓爾臨渭曲深溝而親拒寇讐我復鎬京高枕而無虞侵軼然後進攻外壘盡復強軍支弱唉春如麻滿野或反袂以來獻俾噍類之不遺元惡出奔勢窮就戮廓清而罷約束尙嚴受降兼讓於使臣擇帥請行於國命一如紀律以報會盟天贊孔昭主憂盡釋始未見若之面今盡見若之心神聽斯言衆圖是賞盡雲臺而莫顯篆樂石而非多師氏建官位推極致春秋列國晉實大名典重而近古不行動重而予衷何愛廣廷備物且授詞臣法座臨軒式光禮命今遣中書舍人薛廷珪冊爾爲太師兼中書令仍進封晉王於戲獨立王功忠乃善藏之府永膺天祐敬惟能保之軀則是時晉軍必慶於而家樂於而土戎之勿忘與國無窮是時晉軍渭北北夢瑣言唐宰相鄭綮雖有詩名本無廊廟之望時王綱旣系四方多故才旣無取言必依違太原

兵至渭北天子震恐渴求破賊術索奏請於文宣王謚號中加一哲字率此類也同列以其忝竊每譏侮之

遇雨六十日或勸克用入朝克用未決都押衙蓋寓代

史蓋寓蔚州人祖祚父慶世爲州之牙將武皇起雲中寓與康君立等推轂佐佑之因爲腹心武皇節制雁門署職爲都押衙領嵐州刺史洎移鎮太原改左都押衙檢校左僕射武皇與之決事言無不從凡出征伐靡不衛從乾寧二年從入關討王行瑜特授檢校太保開國侯食邑一千戶領容管觀察經畧使光化初車駕還京授檢校太傅封成陽郡公寓性通黠多智數善揣人主情武皇性嚴急左右難事無委遇者小有違忤卽置于法惟寓承顏希旨規其趨向婉辭順意以盡參裨武皇或暴怒將吏事將不測寓欲救止必佯佐其怒以責之武皇怡然釋之有所諫諍必徵近事以爲喻自武皇鎮撫太原最推親信中外將吏無不景附朝廷藩鄰信使結託先及武皇次入寓門旣總軍中大柄其名震主梁祖亦使姦人離間暴揚于天下言蓋寓已代李聞者寒心武皇畧無疑問初武皇旣平王行瑜還師渭北暴雨六十日諸將或請入觀且云天顏咫尺安得不行覲禮

武皇意未決寓白日車駕自石門還京寢未安席比爲行瑜兄弟驚駭乘輿今京師未寧姦宄流議大王移兵渡渭必恐復動宸情君臣始終不必朝覲但歸藩守姑務勤王是忠臣之道也武皇笑曰蓋寓尚阻吾入觀況天下人哉卽日班師二年三月寓病篤武皇曰幸其第手賜藥餌初寓家每事珍膳窮極海陸精于府餽武皇非寓家所獻不食每幸寓第其往如歸恩寵之治時無與比及其卒也哭之彌慟莊宗卽位追贈太師文苑英華授寧遠軍節度使蓋萬左武衛上將軍制敕環衛之設貴同命卿有以大將軍之名加其秩者賞典彌重具官蓋寓凡天下統帥將佐勤勞每至賞勳鮮當仗鉞吾以克用事君有偉節匡國有大功而寓預謀必忠推誠必順致我藩后光于冊書是以特越舊章授之師律頗能謙讓復願改張得不表以寵休陟居戎列仍遂再三之請俾圖始卒之心曰天子還自石門寢未安席若直舉訓辭是謂嘉善晉兵渡渭人情豈復能安勤王而已何必朝哉克用笑曰蓋寓猶不信我況天下乎乃收軍而還三年正月昭

宗復以張濬爲相克用曰此朱全忠之謀也乃上表曰

若陛下朝以濬爲相則臣將暮至闕廷京師大恐濬命

遽止朱全忠之攻兗鄆也克用遣李存信假道魏州以

救朱宣等存信屯于莘縣軍士侵掠魏境羅宏信伏兵

攻之存信敗走洺州克用自將擊魏戰于洹水亡其子

落落六月破魏成安洹水臨漳等十餘邑

五代史乾寧三年正月汴

人大舉以攻克鄆朱宣朱瑾再乞師于武皇假道于魏州羅宏信許之乃令都指揮使李存信將步騎三萬與李承嗣史儼會軍以拒汴人存信軍于莘與朱瑾合勢頻挫汴軍汴帥患之乃間魏人存信御兵無法稍侵魏之芻牧者宏信乃與汴帥通出師三萬攻存信軍存信揭營而退保于洺州三月武皇大掠相魏諸邑攻李固洹水殺魏兵萬餘人進攻鄆州五月汴將葛從周氏叔琮引兵赴援六月李茂貞舉兵犯京師七月車駕幸華

州是月武皇與汴軍戰于洹水之上鐵林指揮使落落被擒落落武皇之長子也既戰馬踣于坎武皇馳騎以救之其馬亦踣汴之追兵將及武皇背射一發而斃乃退十月又敗魏人于白龍潭軍來援大敗于宗城北存信進攻魏州軍于白龍潭追擊至觀音門汴軍救至乃退十一月武皇徵兵于幽鎮定三州將迎駕于華下幽州劉仁恭託以契丹入寇俟敵退聽命四年劉仁恭叛晉克用以兵五萬擊仁恭戰于安塞克用大敗寧四年正月汴軍陷堯都騎將李承嗣史儼與朱瑾同奔于淮南三月陝帥王珙攻河中王珂來告難武皇遣李嗣昭率二千騎赴之破陝軍于猗氏乃解河中之圍至是天子遣延王戒不至晉陽傳宣旨于武皇朕不取卿言以及子此苟非英賢竭力朕何由再謁廟庭在卿表率予所望也七月武皇復徵兵于幽州劉仁恭辭旨不遜武皇以書讓之仁恭捧書謾罵抵之于地仍囚武皇之行人八月大舉以伐仁恭九月師次蔚州戊寅晨

務晦暝占者云不利深入辛巳攻安塞俄報燕將單可及領騎軍至矣武皇方置酒高會前鋒又報賊至矣武皇曰仁恭何在曰但見可及輩武皇張目怒曰可及輩何足爲敵仍促令出師燕軍已擊武皇軍寨武皇乘醉擊賊燕軍披靡時步兵望賊而退爲燕軍所乘大敗于木瓜澗俄而大風雨震電燕軍解去武皇方醒甲午師次代州劉仁恭遣使謝罪于武皇武皇亦以書報之自此有檄十餘返脩年春正月鳳翔李茂貞華州韓建皆致書于武皇乞和好同獎王室兼乞助丁匠脩繕秦宮武皇許之朱全忠遣葛從周攻下邢洺磁三州克用遣周德威出青山口遇從周于張公橋德威大敗五代史四月汴將葛
從周寇邢洺磁等州

出青山口以迫邢洛十月遇汴將葛從周于張公橋既戰我軍大敗是月河中王珂來告急言王珙引汴軍來寇武皇遣李嗣昭將兵三千以援之屯于胡壁堡汴軍萬餘人來拒戰嗣昭擊退之冬潞州守將薛志勤卒薛志勤蔚州奉誠人小字鐵山初爲獻祖帳中親信乾符中與康君立共推武皇定雲州以功授右牙都校從入達靼武皇授節爲門志勤領代北軍使從入關收京城以功授檢校工部尚書河東右都押牙先鋒右軍使從武皇救陳許平黃巢武皇遇難于上源驛計將楊彥洪連車樹柵遮絕巷陌時騎從皆醉宴席旣闊汴軍四面攻傳舍志勤彪勇冠絕復酒膽激壯因獨登驛樓大呼曰朱僕射負恩無行邀我司空圖之吾三百人足以濟事因彎弧發射矢無虛發汴人斃者數十志勤私謂武皇曰事急矣如至五鼓吾屬無遺類矣可速行因扶武皇而去雷雨暴猛汴人扼橋志勤以其屬血戰擊敗之得侍武皇還營由是恩顧益厚大順初張濬以天子之師來侵太原十月大軍入陰地志勤與李承嗣率騎三千抗之敗韓建之軍于蒙坑進收晉絳以功授忻州刺史二年從討鎮州收天長臨城志勤皆先

登陷陣勇敢無前王暉據雲州叛計平之以志勤爲大同軍防禦使檢校司空乾寧初代康君立爲昭義節度使光化元年十二月以李罕之據潞州叛附于朱全忠疾卒于潞時年六十二李罕之報武皇曰薛鐵山新死潞民無主慮軍城有變輒專命鎮撫武皇令人讓之罕之乃歸于汴武皇遣李嗣昭將兵討之下澤州收罕之家屬拘送晉陽二年全忠遣氏叔琮攻破承天軍又破遼州至于榆次周德威敗之于洞渦秋李嗣昭復取澤潞五代史光化二年春正月李罕之陷沁州三月汴將葛從周氏叔琮自土門陷承天軍又陷遼州進軍榆次武皇令周德威擊之敗汴軍于洞渦驛叔琮棄營而遁德威追擊出石會關殺千餘人汴人復陷澤州五月武皇令都指揮使李君慶將兵收澤潞爲汴軍所敗而還以李嗣昭爲都指揮使進攻潞州八月嗣昭營于潞州城下前鋒下澤州時汴將賀德倫張歸厚等守潞州是月德倫等棄城而遁潞州平九月武皇表汾州刺史孟遷爲潞州節度使三年嗣昭

敗汴軍于沙河復取洺州朱全忠自將圍之嗣昭走至

青山口遇汴伏兵嗣昭大敗

五代史光化三年汴軍大
寇河朔幽州劉仁恭乞師

武皇遣周德威帥五千騎以援之七月李嗣昭攻堯山
至內邱敗汴軍于沙河進攻洺州下之九月汴帥自將

兵三萬圍洺州嗣昭棄城而歸葛從周設伏于青山口

嗣昭之軍不利通鑑考異唐太祖紀年錄七月嗣昭
攻堯山至內邱遇汴軍三千戰敗之擒其將李瓌唐末

見聞錄八月二十五日嗣昭領馬步五萬取馬嶺進軍
下山東某日山東告捷收得洺州九月二日嗣昭兵士

失利却回又唐末見聞錄八月二十五日嗣昭進軍
下山東某日山東告捷收得洺州捉得刺史朱溫姪男

唐太祖紀年錄葛從周攻洺州嗣昭棄城而歸是役也

王郤郎楊師悅陷洺州復爲汴有唐末見聞錄九月
二日嗣昭兵士失利却回被汴州捉得王郤郎清異

錄晉王嘗窮追汴帥糧運不繼蒸粟以食軍中遂呼粟爲河東飯汴人乘勝寇
汴人攻鎮定鎮定皆絕晉以附于朱全忠五代史十月

鎮定鎮定懼皆納賂于汴是時周德威與燕軍劉守光敗汴人二萬于望都聞定州王郜來奔乃班師是月天子加武皇實封一百戶遣李嗣昭率步騎三萬攻懷州下之進攻河陽汴將閻寶率兵來援嗣昭退保懷州

天復元年全忠封梁王梁攻下晉絳河中執王珂以歸

五代史天復元年正月汴將張存敬攻陷晉絳二州以兵二萬屯絳州以扼援路二月張存敬迫河中王珂告急于武皇使者相望于路珂妻邠國夫人武皇愛女也亦以書至懇切求援武皇報曰賊阻道路衆寡不敵救爾卽與爾兩亡可與王郎棄城歸朝珂遂送款于張存敬三月汴帥自大梁至河中王珂遂出迎尋徙于汴

晉失三與國乃下意爲書幣聘梁以求和梁王以爲晉弱可取乃曰晉雖請盟而書辭慢因大舉擊晉四月氏叔琮入天井張文敬入新口葛從周入土門王處直入飛狐侯言入陰地叔琮取澤潞其別將白奉國破承天

軍遼州守將張鄂汾州守將李瑭皆迎梁軍降晉人大

懼會天大雨霖梁兵多疾皆解去

五代史天子以汴帥兼鎮河中武皇自是

不復能援京師霸業由是中否四月汴將氏叔琮率兵五萬自大行路寇澤潞魏博大將張文恭領軍自新口入葛從周領充鄆之衆自土門入張歸厚以邢洛之衆自馬嶺入定州王處直之衆自飛狐入侯言以晉絳之兵自陰地入氏叔琮康懷英營于澤州之昂車武皇令李嗣昭將三千騎赴澤州援李存璋而歸賀德倫氏叔琮軍至潞州孟遷開門迎沁州刺史蔡訓亦以城降于汴氏叔琮悉其衆趨石會關是時偏將李審建先統兵三千在潞州亦與孟遷降于汴及叔琮之入寇也審建爲其鄉導汴人營于洞澗別將白奉國與鎮州大將石公立自井陘入陷承天軍及攻壽陽遼州刺史張鄂以城降于汴都人大恐時霖雨積旬汴軍屯聚旣衆芻糧不給復多痢瘍師人多死時大將李嗣昭李嗣源每夜率驍騎突營掩殺敵衆恐懼通鑑攻異唐太祖紀年錄嗣昭與今上日夜入賊五月五代史五月汴軍皆退營斬將搴旗賊多驚擾

威李嗣昭以精騎五晉復取汾州誅李塘五代史初
千躡之殺戮萬計也汾州刺史李塘據城叛以連汴人至是武皇令李嗣
源李存審將兵討之是歲并汾饑粟暴貴人多附塘爲
亂嗣昭悉力攻城三日而拔擒李塘等斬于晉陽市氏
叔琮旣旋軍過潞州擄孟遷以歸汴帥以丁會爲潞州
節度六月周德威李嗣昭取慈隰五代史六月遣李嗣
使地攻慈隰二郡隰州刺史唐禮慈州刺史張瓊並以城
來降武皇以汴寇方盛難以兵伏佯降心以緩其謀乃
遣牙將張特持幣馬書檄以諭之陳當時利害請復舊
好十一月壬子汴帥營于渭濱甲寅天子出幸鳳翔武
皇遣李嗣昭率兵三千自沁州趨平陽遇汴軍于晉州北斬首五百級
遇汴軍于晉州北斬首五百級二年進攻晉絳大
敗于蒲縣梁軍乘勝破汾慈隰三州遂圍太原克用大
懼謀出奔雲州又欲奔匈奴未決而梁軍大疫解去周
德威復取汾慈隰三州五代史天復二年二月李嗣昭
周德威領大軍自慈隰進攻晉

絳營于蒲縣之南乙未汴將朱友寧氏叔琮將兵十萬營于汾州慈隰二州復爲汴人所據辛酉汴軍營于晉陽之西北攻城西門周德威李嗣昭緣山保其餘衆而旋武德威等謀將出奔雲州嗣昭以爲不可李存信堅請且入北蕃續圖進取嗣昭等固爭之太妃劉氏亦極言于內乃止居數日亾散之士復集軍城稍安李嗣昭與李嗣源夜入汴軍斬將搴旗敵人擇禦不暇自相驚擾丁卯朱友寧燒營而遁周德威追至白壁開倅斬萬計因收復慈隰汾等三州天復三年正月天子自鳳翔歸京五月雲州都將王敬暉殺刺史劉再立以城歸于劉仁恭武皇遣李嗣昭討之仁恭遣將以兵五萬來援雲州嗣昭退保樂安燕人據敬暉棄城而去武皇怒笞嗣昭及李存審而削其官是時親軍萬衆皆邊鄙人動違紀律人甚苦之左右或以爲言武皇曰此輩膽畧過人數十年從吾征伐比年以來國藏空竭諸軍之家賣馬自給今四方諸侯皆懸重賞以募勇士吾若束之以法急

則棄吾吾安能獨保此乎俟時開運秦吾固自能處置矣四年梁遷唐都于洛陽改

元曰天祐克用以謂劫天子以遷都者梁也天祐非唐號不敢稱乃仍稱天復

五代史天祐元年閏四月汴帥迫天子遷都于洛陽五月乙丑

天子制授武皇協盟同力功臣加食邑三千戶實封三百戶八月汴帥遣朱友恭弑昭宗于洛陽宮輝王卽位

告哀使至晉陽武皇南向慟哭三軍縗素

五年會契丹阿保機于雲中約爲

兄弟

五代史天祐二年春契丹安巴堅始盛武皇召之

于雲州之東握手甚歡結爲兄弟旬日而去

六年梁攻

燕滄州燕王劉仁恭來乞師克用恨仁恭反覆欲不許

其子存勗諫曰此吾復振之時也今天下之勢歸梁者十七八彊如趙魏中山莫不聽命是自河以北無爲梁

患者其所憚者惟我與仁恭耳若燕晉合勢非梁之福也夫爲天下者不顧小怨且彼常困我而我急其難可因以德而懷之是謂一舉而兩得此不可失之機也克

用以爲然乃爲燕出兵攻破潞州梁圍乃解去以李嗣

昭爲潞州留後

五代史天祐三年正月魏博旣殺牙軍魏將史仁遇據高唐以叛遣人乞師于

武皇武皇遣李嗣昭率三千騎攻邢州以應之遇汴將牛存節張筠于青山口嗣昭不利而還九月汴帥親率

兵攻滄州幽州劉仁恭遣使來乞師武皇乃徵兵于仁

恭將攻潞州以解滄州之圍仁恭遣掌書記馬郁都指

揮使李溥等將兵三萬會于晉陽武皇遣周德威李嗣

昭合燕軍以攻澤潞十二月潞州節度使丁會開門迎

降命李嗣昭爲潞州節度使以丁會歸于晉陽

七年梁兵十萬攻潞州圍以夾

城遣周德威救潞州軍于亂柳冬克用疾是歲梁滅唐

克用復稱天祐四年正月辛卯克用卒年五十三

子存勗立葬克用于鴈門

五代史天祐四年正月甲申
汴帥聞潞州失守自滄州燒營而遁四月天子禪位于汴帥奏天子爲濟陰王改元

爲開平國號大梁是歲四川王建遣使至勸武皇各王

一方俟破賊之後訪唐朝宗室以嗣帝位然後各歸藩

守武皇不從以書報之曰竊念本朝屯否巨逆淪胥攀

鼎駕以長違撫形弓而自咎默默終古悠悠彼蒼生此

厲階永爲痛毒視橫流而莫救徒誓械以興言別捧函

題過垂獎諭省覽周旣駭惕異常淚下沾衿倍欷申胥

之素汗流浹背如聞蔣濟之言僕經事兩朝受恩三代

位叨將相籍係宗枝賜鉞鉞以專征徵苞茅而問罪麤

兵校戰二十餘年竟未能斬新莽之頭顱斷蚩尤之肩

髀以至廟朝顛覆豺虎縱橫且授任分憂叨榮冒寵龜

玉毀損誰之咎歟倚陽指陳不勝慚恧然則君臣無常有

位陵谷有變遷或築塞長河泥封函谷時移事改理有

萬殊卽如周末虎爭魏初鼎據孫權父子不顯授于漢

恩劉備君臣自微興于涿郡得之不謝于家世失之無

損于功名適當逐鹿之秋何惜華蟲之服惟僕累朝席

寵奕世輸忠忝佩訓辭龜存家法善博奕者惟先守道
治蹊田者不可奪牛誓于此生靡敢失節仰憑廟勝早
殄寇譬如其事與願違則共滅洪游于地下亦無恨矣
惟公社稷元勳嵩衡降祉鎮九州之上地負一代之宏
才合于此時自求多福所承良訛非僕深心天下其謂
我何有國非吾節也悽悽孤懇此不盡陳五月梁祖遺
其將康懷英率兵十萬圍潞州懷英驅率士衆築壘環
城城中音信斷絕武皇遣周德威將兵赴援德威軍于
余吾率先鋒挑戰日有俘獲懷英不敢卽戰梁祖以懷
英無功乃以李思安代之思安引軍將營于潞城周德
威以五千騎搏之梁軍大敗斬首千餘級思安退保堅
壁別築外壘謂之夾寨以抗我之援軍梁祖調發山東
之民以供饋運德威日以輕騎掩之運路艱阻衆心益
恐李思安乃自東南山口築夾道連接夾寨以通饋運
自是梁軍堅保夾寨冬十月武皇有疾是時晉陽城無
故自壞占者惡之天祐五年正月戊子朔武皇疾革辛
卯崩于晉陽年五十三遺令薄葬發喪後二十七日
除服莊宗卽位追謚武皇帝廟號太祖陵在鴈門

嗚呼世久而失其傳者多矣豈獨史官之謬哉李氏之

先蓋出于西突厥本號朱邪至其後世別自號曰沙陀而以朱邪爲姓拔野古爲始祖其自序云沙陀者北庭之磧也當唐太宗時破西突厥諸部分同羅僕骨之人于此磧置沙陀府而以其始祖拔野古爲都督其傳子孫數世皆爲沙陀都督故其後世因自號沙陀然予考于傳記其說皆非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅爲龜林都督府僕骨爲金微都督府拔野古爲幽林都督府未嘗有沙陀府也當是時西突厥有鐵勒薛延陀

阿史那之類爲最大其別部有同羅僕骨拔野古等以
十數蓋其小者也又有處月處密諸部又其小者也朱
邪者處月別部之號耳太宗二十二年已降拔野古其
明年阿史那賀魯叛至高宗永徽二年處月朱邪孤注
從賀魯戰于牢山爲契苾何力所敗遂沒不見後百五
六十年當憲宗時有朱邪盡忠及子執宜見于中國而
自號沙陀以朱邪爲姓矣蓋沙陀者大磧也在金莎山
之陽蒲類海之東自處月以來居此磧號沙陀突厥而
夷狄無文字傳記朱邪又微不足錄故其後世自失其
傳至盡忠孫始賜姓李氏李氏後大而夷狄之人遂以

沙陀爲貴種云

五代史史臣曰武皇肇跡陰山赴難唐室逐豺狼于魏闕殄氛祲于秦川賜姓

受封奄有汾晉可謂有功矣然雖茂勤王之績而非無震主之威及朱旗屯渭曲之師俾翠葦有石門之幸比夫桓文之輔周室無乃有所愧乎洎失援于蒲絳久垂翅于并汾若非嗣子之英才豈有興王之茂業矧累功積德未比于周文創業開基尚于魏祖追謚爲武斯亦幸焉

五代史記卷第四